

者何知一本舉一言矣打圍之用形名分數征伐之大法也射禽選旗應變守律也人賫糗糒習飢飽也涉江擁山歷險易也獻功議第選才智也此國家之修勞也卿等從我定國才盛三代功既成身既安家育愛孫國無所事不顧天祿之源縱逐一時之樂福然貪著於不可為之事蒙然昧施於所當勉之功醉并有數之歲月促送難得之人生行欲未副其欲竟就無名之魂予常惜汝恨汝略著大意卿等毋恠兵法大旨在乎撫養將士習以弓馬信賞必罰教以禮義無所爭競但秉忠孝常懷敵愾萬有不虞一人可以勤王十人可以勤王百人可以勤王而聽命者多故作衛部統以領之此能合也所領者衆則所令者多故局制於律束手受敵於是有分衛分部委律變律之術此能分也如是則四面合戰百陣同力何堅不碎何敵不破此能分能合也蕃兵勁馬奔衝漢兵強弩擗角蕃漢之勢雖殊而分合之用實同此兵之大旨將之要略也愚者以為不學兵法而我能殺敵不習弓馬而我能弭賊此將非可望卒之最下者也

上引見叔舟等於華韓堂 賜酒仍 賜表裏○戊子 上與
中官幸豐壤講武遣注書柳洵薦禽于 宗廟○己丑 駕幸
菁洞觀獵 賜留都孝寧大君補誠寧君裊益寧君彥密城君
琛桂陽君增河東府院君鄭麟趾蓬原府院君鄭昌孫吉昌府
院君權學南陽府院君洪達孫判中樞院事沈滄中樞院使沈
決等鹿各一口隨 駕將士頒禽有差○庚寅工曹參判成任
賚香醞燒餅等物來問 安即 頒將士 駕次于忠良浦
前平○辛卯 駕次于箭串平○壬辰 駕至彌勒洞左廂啟
有虎 上即馭馬令軍士合圍獲之 命尹子雲帥左右廂軍
士因點兵遂 還宮○甲午 御思政殿受常參視事 命召
戶曹判書曹錫文兵曹參判金國光都鎮撫沈滄判漢城李石
亨 謂曰今諸將皆不堪其任要當作新之 謂國光曰如兵
將說陣法武經孫吳等書每講諸將可也國光對曰允當只此
兵將說陣法等書苟能窮通用之無窮 上曰通陣法則至矣
謂石亨曰號牌於限內可畢乎石亨對曰雖限以一年猶可畢

况限三年乎錫文曰臣聞誦牌成給時間有不通之輩必待本
官賤籍乃准給苟有賤籍請勿論他官 上謂石亨曰此則卿

之過也予當初欲盡教分臺敬差官而遣之卿謂雖不教之彼
觀漢城府所為則必盡知矣今已如此直遣朝官察其能否可
也 御書曰誦牌分臺敬差官等能否不等或不察事目或察

而猶昧或自意妄施或昏昏兀兀罔知所措今別遣朝官昧者
拿來誤者改之不知者教之○平安黃海江原咸吉道都體察
使韓明澮據平安道都制節使楊汀呈馳啓建州衛李阿具遣
人來言甫下土云歲庚辰吾兄童速魯帖木兒死妻子家產并
皆籍沒吾故入寇義州掠人物而來今若放還本處則所掠人
物當送還吾亦歸謝臣得此若阿具更遣人則當語之曰速魯
帖木兒恒居我國城底向國輸誠我國嘉其誠心嫁以本國之
女今汝等多般作耗不可輕易送還 上命領議政申叔舟右
議政具致寬議之皆曰當如明澮所啓○乙未 上以諸將不
堪其任以兵書分三等令鎮撫部將宣傳官等講之精通者給

分其一等兵要武經七書兵將說三篇二等陣書兵政三等講
武事目(丙申) 御勤政門受朝參移 御思政殿遂引見諸
宗宰講諸將等兵書設酌王世子進酒 上謂世子曰子非不
崇佛營建寺社不為不多然此皆虛事達磨云造佛造塔必無
功德汝不必盡效乃父之崇佛也且汝所服木綿衣至甚朴陋
然勤苦以成莫若此衣耕種耘耔採花而織成之汝當見衣則
思女功之不易見食則思農夫之孔艱常以此為心念茲在茲
無有怠忽奢侈人之所易昧汝當儉以自奉罔或不勤節用而
愛人使民以時大臣國家所賴以存亡者不可不重古人有曰
敬大臣予今與大臣或相戲謔然皆吾故舊汝則不然乃汝父
執不可不敬訓辭已盡汝當無忽 命申叔舟進酒 上謂曰
古之君臣莫若唐太宗之於魏徵卿子之魏徵也○平安道觀
察使金謙光據義州判官趙徵呈馳啓唐人李林言路逢元良
哈十人掠所採人參而去朴成言賊人二十餘騎橫行山間里
人皆登山 命叔舟具致寬議之叔舟等議曰此赫徵親見乃

傳聞之事難信且雖有賊變隄備已嚴更無可議之事○丁酉
御序賢亭臨瀛大君璆龜城君浚陣宗承旨及諸將等入侍令
入直軍士分左右廂用小形名習陣又講兵書校勝負○以成
奉祖為議政府右贊成○諭咸吉道都節制使康純曰令語穩
城囚兀良哈曰汝等潛入長城謀欲為寇其罪匪輕但本國人
無贓物亦赦故特赦放還後更如此則罪在不赦在逃呂巨毛
下禮等來則亦語之曰汝等罪固匪輕然同犯人特令放還故
汝等亦赦後勿如此并諭咸吉道觀察使○己亥命注書
及內官往審義禁府典獄死囚居處又令入直內禁衛等分往
諸司審錢穀文書看守之狀以聞○庚子遣工曹叅判李伯常
仁壽府尹崔士老如大明賀正○辛丑韋西山觀獵○壬寅
幸綠楊平觀獵○癸卯上與中宮御思政殿議政府六曹進
豐呈王世子與孝寧大君補臨瀛大君璆永膺大君琰寶城卿
容龜城君浚射宗陣宗河東府院君鄭麟趾蓬原府院君鄭昌
孫雲城府院君朴從愚鈴川府院君尹師路河城尉鄭顯祖青

城尉沈安義領議政申叔舟右議政具致寬右叅贊崔恒仁山
君洪允成刑曹判書金礪禮曹判書朴元亨中樞院使尹士所
魚孝瞻戶曹判書曹錫文清平君郭連城西原君韓繼美文城
君柳洙漢城府尹金從舜吏曹判書金淡兵曹判書尹子雲信
川君康衮原城君元孝然行僉知中樞院事閔毅行大護軍洪
逸童吏曹叅判洪應漢城府尹權攀大司憲徐居正戶曹叅判
任元濬兵曹叅判金國光等侍宴王世子進酒宗宰各以次進
酒酒酣 上援筆製詩云春花灼灼映雞村夏樹蒼蒼蔭紫陌
風高天地飄羽羣雪盈山河走毛族景致由來動人情作息誰
非固家國親揔六陣昭忠信共修五禮別淑慝庭陣昭武形盛
烈踧躅齊躬獻壽爵交泰運際濡雨露宗勲同力補寡德只坐
香甘淪肌骨起舞非時坐非席階頽扶出恍若夢寤來哀樂都
無迹令宗宰等和進○甲辰 御序賢亭令入直軍士用小形
名習陣講成均生貞鄭徽等六人諭將三篇○乙巳 御序賢
亭用小形名習陣 召司憲掌令慎承善軍資監正安迢漢城

少尹鄭忱右司禦卞袍等講彌牌事目將以遣四道檢察彌牌
事也○咸吉道都節制使康純馳啟建州李滿住童山等送箭
於毛憐衛約合兵欲寇中國或寇朝鮮又千秋使宣炯等聞見
事件云去年馬鑑奉勅將往海西到開原衛海西人拒而不納
適海西人獵開原長墻外開原人殺之因是海西人連結建州
衛橫逆不入貢今武忠奉勅往海西招撫又往建州衛招撫
上召申叔舟議之 街扎諭韓明澮楊汀金謹光曰同封宣炯
等聞見事目及康純啟本傳准草看詳予料賊計必然之勢也
但畏我國搖尾中國見我不動輒納詐懇以為入其自計虜情
反覆喜亂不能自靜數犯中國常伺我邊正自速天禍之時也
正當因此機而殄殲無遺中國何顏更有言哉然虜之連結我
之利也莫如嚴兵待來來則敗之勿示入征之形使虜須動虜
既動則雖知我備無辭罷合必犯中國矣此以蠻夷攻蠻夷之
術也於我無損秦禍相時豈非上策卿等專制閩外勢宜熟悉
隨便施行 上又議叔舟曰使咸吉道問罪毛憐衛者非策也

謂之征則非征故示弱於天下謂之問罪則玉石俱焚失信戎狄且虜不犯邊境而犯中國則何必代人結怨乃 諭康純曰

今見卿啓本具悉事狀即遣許琮卿宜詳密探問悉知某某人

實往建州作賊馳啓遂 召琮 親諭之○丙午 諭韓明澮

曰若彼人有到滿浦者因戲語之曰我已聞建州招集毛憐之

人及海西野人謀寇中國與我國我待其來耳如是語之使彼

知我有備自然折彼之謀且張滿浦軍數自然見之千萬勿區

區恣示之○丁未 命召領議政申叔舟右議政具致寬左承

旨尹贊等于賓廳秘議平安道事 下御書其略曰一許琮急

往諭明澮明澮若請在京軍士及其某將帥急馳啓一遣栗元

副正徐閔發朴壽長等聽明澮節度一虜若入寇不甚敗而歸

則東西並舉盡蕩巢穴 命以許琮為體察使韓明澮從事官

又改行護軍趙繼宗宣傳官南怡兼司僕趙頴達等為軍官遣

之叔舟致寬等議曰北方用兵則會寧乃都會之地若節制使

有故則判官代其任者今判官孟石欽不更事且秩卑無物望

請更擇人代之。傳曰可。○持平金利用啓延山君金處義以武才錄不讀兵書闕於日課被本府推劾所由將公緘到家處義歐之因言曰汝司官負坐食無事以如此細事數來困我耶如汝輩二三人雖殺之何傷臣等聞此言請避嫌傳于甲叔舟具致寬曰武才錄讀書子所命也推劾亦子所命也處義今言小事何意耶子欲下義禁府鞫之叔舟啓凡將兵者不可縱使自恣當謹其鉗勒處義將兵者也所言甚不恭下義禁府鞫之為可即命義禁府囚鞫。○引見許琮于交泰殿親授方略。○放許亨孫吳湘亨孫等嘗在義州被擄人畜不能救援充軍至是放之。○兵曹啓石者山脈骨節只禁都城山脊內面伐石不可請都邑主山來脉自咸吉道長白山至鐵嶺自江原道淮陽府嵐谷至金城縣馬峴及注波峴自狼川杭峴至京畿加平縣華岳山自揚州五峯山至三角山普賢峯及白岳東則自寶燈洞至多也院鼓巖祭壇西則自香林寺至綠磻峴洗踏巖北站延昌尉農所並令勿伐官廨及寺社造成至於大小人負造家

造墓時京中則告工曹外方則告觀察使審伐石處啓聞量給
如有違法代之者以違制律論從之○承政院奉旨馳書
于平安道觀察使令進泰川郡留養白獐○戊申元孫得風疾
命召戶曹參判任元濬同知中樞院事全循義等議藥○己酉
元孫卒諱糞年三歲殯于尹士昫第○議政府六曹問安傳
曰速諭韓明會領議政申叔舟右議政具致寬等草諭書曰月
二十三日元孫得風疾二十四日曉不幸凡于治療無所不至
而至於此此實天也非人所及奈之何哉卿在塞上想應無以
為懷卿既當國家重寄不可以關心碍事卿雖上來於此亦無
所益勉寬悲嘆以副予倚重之意傳曰勿為諭書卿等以書
通之可也叔舟等即為書送之○禮曹議停朝斂殯禮葬主喪
等事以啓命申叔舟具致寬等議啓曰元孫年甚幼且無爵
秩不宜停朝中朝亦無此例殯葬則禮曹堂上一員率郎官與
閔孝悅等議辦逾月而葬且喪葬儀物之數請依世宗朝元
孫故事而稍加一等○庚戌議政府承政院啓近上體累日

憂勞又 御素膳請進肉膳傳曰予心所重且中宮亦素膳其
勿復言且內間事何與知而言之耶○命行僉知中樞院事閱
幾行護軍趙繼宗行大護軍朴壽長栗元副正徐等各率軍官
一二往平安道○傳曰昨為元孫命卜葬於開慶寺傍近之地
今復欲於正因寺懿敬世子墓兆域內擇地○辛亥 命還給
尹欽尹岑李繼孫崔善復金壽寧等告身○以徐為栗元正權
衡兼司憲執義鄭垠兼掌令宋益孫羅州牧使金彥庚會寧判
官益孫以母病辭職 上曰金師禹以病辭予受其狀今益孫
之事何以處之盧思慎啓曰古有病親者授近處守令 上曰
其授羅州牧使○壬子 命禮曹及藝文館議元孫立後與否
○甲寅初元孫之卒也 上命宦官李得守令外間用肉兒宗
素焉 上怒謂水膺大君琰曰聖人制法酌人情天理定為天
卜古今通典使賢者不得過不肖者不得不及不則徑情而傷
生亦無三年喪者法豈可改且於君臣之間壓尊之處何得用其
私心雖父喪不得以凶服入闕此壓尊之禮也是故期之喪達

乎大夫先飯而後已儀物之異章以國奉一人非奉此二人斯
皆聖人為飾公道法器耳何有私於君何有私於民哉若以私禮
之心為可嘉則人皆私禮君前私禮是慢君也其弊無君乃同
於禽獸 命永順君傳鈴川府院君尹師路河東府院君鄭麟
趾領議政申叔舟右議政具致寬行上護軍李純之戶曹參判
任元濬等率相地官往正因寺相元孫葬地○日本國都督司
馬少卿教賴平朝臣元胤宗茂世源永等各遣使來獻土物○
十一月乙卯朔夜雷 上與中宮移御世子宮○丙辰 上與
中宮移御平原大君第 召同副承旨尹弼商放輕繫令進酒
於中宮曰予矜恤汝等倍於他官汝等知之乎近承政院事多虛
踈汝更勉力必以公正○丁巳宗親宰樞問安○傳于禮曹曰
明日冬至停望闕禮以權停例行本朝賀禮又 傳曰明日老
宰樞詣闕太早則慮或有墮馬而傷者其令日出後一會○戊
午 召龜城君浚銀山副正徹河城尉鄭顯祖青城尉沈安義
兵曹參判金國光及承旨等設酌又 召入直內禁衛宣傳官

兼司僕等講陣法謂曰今名汝輩講書欲得穎脫者耳內禁律
等皆莫能通又問徹顯祖安義及承旨等多不中旨上親釋
之侍異司僕不鬪負上欲得通書者差授皆無當意者乃使
論射虎之術內禁衛權耳能之命授兼司僕○咸吉道都節
制使康純馳啓林大阿下等三百餘人會伐引阿赤郎貴毛里
安等慶聲言朝見謀寇遼東及甲山義州等處將以本月初十
日發兵東良北汝巨子厚乙仇豆等三百餘人屯于朴加別羅
又蒲州人與火刺温相應發兵○己未命議政府議元孫立
後政府啓殤固未成人今元孫又不成殤置立悼惠之子特一
時事爾不宜立後傳曰殤之立後古人之議或有異同不必迂
闊泥古且近日平泉潭陽貞昭皆以殤立後以其有英靈可歆
其祭也且不燒奠備禮葬之何計其老小哉夜召右議政具
致寬禮曹判書朴元亨參判金吉通等議之致寬等議曰伯叔
兄弟不得為後古今定論今見在宗室於元孫無姪若孫始從
權制立弟為後於義似不大悖永順君溥第二子誠善生二歲

於元孫為弟立以為後何如 傳曰姑停立後廣考以啓議贈
 謚致寬等曰謚法慈惠愛親孝容儀恭美昭請謚孝昭 從之
 又議追封之例致寬等曰無階封君則同於王子從一品封君
 則同於大君之子酌其中正一品封君為使 傳曰可分遣郎
 官注書往議於鄭麟趾鄭昌孫由叔舟權學麟趾學議與致寬
 等同昌孫曰若有封元孫之例宜追封元孫叔舟曰宜從王子
 諸君之例 上從叔舟議追封為仁城君○庚申葬元孫于高
 陽縣懿敬墓東近地○司憲府啓李壽枝初為承政院椽吏幸
 中武舉遂除蔚珍縣令本府議署告身例考妻之四祖而壽枝
 謂本無妻妻雖已亡尚有子女惡其微賤匿不以實心行薄惡
 請罷其職追身推鞠 從之○辛酉四道都體察使韓明澮遣
 從事官許琮請視元孫之喪且請遣通事於建州及許里豆里
 移居皇城等事 御札回諭曰已往之厄言之既晚卿之來去
 何俾家國忍情就事以報敵愾遣通事許移居二事皆可餘在
 許琮言又 諭曰軍門本無素法兵故郡尚書獨著紅衣領

兵故也。卿何得用私於軍門，埋國家之脉，弱士卒之氣乎？可即食肉勿貽我慮。○賜平原大君家白米五十石，馬一匹。○命囚仁順府判官洪矜于義禁府。先是矜以孝寧大君第轉經僧徒，關於供養下刑。曹劾之，矜答曰：「吾既從實，答之宜當從實。」問之語頗不遜。刑曹判書金碩請避嫌，故囚之。○是日，上與中宮

遠景福宮。○壬戌，御丕顯閣。思政殿東隅內，廂庫二間，置窓牖以爲燕居之所，賜名曰丕顯。

閣取書味爽丕顯之義也。永順君溥、龜城君浚、銀山副正徹、河城尉鄭顯祖、鎮南君終生、銀川君積德、城君敏、永川卿定樂、安知、密右叅贊

崔恒行、上護軍宋慶寬、吏曹叅判洪應、兵曹叅判金國光等入

侍設，酌論兵書、纂註醫書類聚等事。○癸亥，御丕顯閣。永順

君溥、龜城君浚、銀山副正徹、河城尉鄭顯祖、兵曹叅判金國光

及入直諸將承旨等入侍，鎮撫部將宣傳官等分左右講兵書

溥及崔灝元作八卦圖法，仍令翻譯。○甲子，御思政殿。名

永順君溥、龜城君浚、銀山副正徹、河城尉鄭顯祖、領議政申叔

舟、右議政具致寬、禮曹判書朴元亨、戶曹判書曹錫文、中樞院

舟、右議政具致寬、禮曹判書朴元亨、戶曹判書曹錫文、中樞院

副使韓繼禧及入直諸將承旨等設酌疊擊大鼓聚入直軍士于思政殿門外東西庭令都鎮撫尹師路金礦等饋酒○諭咸吉道都節制使康純曰更審前降諭書往蒲州者仔細聞見續續啓達○漢城府啓曾降傳旨凡奴婢相訟元告被論中三個月內無故滿三十日不就訟則給就訟者其中他處住居若出歸人則移文所在邑以給狀日為始程途計除施行而田宅財產不之及故訟者自知其非或全不現身或臨決之際多般謀避不就訟按刑典爭訟田宅財產條節該田宅一依奴婢例處決請田宅財產亦依上項○傳旨內奴婢定限例決給從之○乙丑以中宮誕日設宴於內殿領議政甲叔舟西原君韓繼義中樞院副使韓繼禧都承旨盧思慎等入侍○丙寅前判漢城府事鄭陟同知中樞院事梁誠之等進東國地圖先是命陟及誠之等會議政府考定東國地圖至是成○傳曰江原道觀察使金禮蒙前日晚進薦新乾大口魚已為不可今進生松魚松魚乃二月月令薦新物也一年之內豈可再薦此物乎其

為昏昧甚矣此特飲食事耳然以一事觀之可知其為人矣禮
蒙受任江原以來有何羨事乎今年嶺東年且甚歉政院其悉
此意○丁卯 幸嵯峨山觀獵園內有一狐 上命王世子射
之王世子一射斃之 上悅策馬入園內御高丘 命世子進
酒○己巳 御丕顯閣講成均儒學朴精孫等五人兼藝文鄭
蘭宗等三人經書王世子與內宗親及河東府院君鄭麟趾蓬
原府院君鄭昌孫領議政申叔舟右議政具致寬右叅贊崔恒
禮曹判書朴元亨吏曹判書金淡吏曹叅判洪應兵曹叅判金
國光大司憲徐居正等入侍同知中樞院事全循義戶曹叅判
任元濬亦以醫學侍講仍 召醫書唱准人負等磨勘醫書又
召樂學提調梁誠之成任等率工人陳軒架於思政殿作定大
業保大平之樂令樂生舞之又與誠之議東國通鑑修撰事○
火刺溫兀狄哈大護軍軍有等三人來獻土物○庚午 御書
傳旨六曹叅禁府司憲府曰公事留滯或至旬月司中公事自
有定限若不下例啓其故○辛未初同知中樞院事梁誠之議

立崇文殿弘文館皆設兼官以掌出納至是 上曰若立崇文
殿則後世人主或有好製詩文專事述作者不可從也以藏書
閣為弘文館則可其設兼官大提學一提學一直提學一直館
一博士一著作郎一正字二○遣判司譯院事孫壽山如大明
進海青二連○癸酉都體察使韓明澮據滿浦節制使洪貴海
呈馳啓野人童於虛茂來言叔父童倉歲戊寅上京肅拜蒙
賜高爵又 賜鞍馬衣服家財器皿感息至深更欲上謁會有
於許者告遼東曰童倉叛入朝鮮廣寧摠兵官報奏 帝差人
率去勅自今毋往朝鮮以故未得上京今年正月間甫下土羅
下軍有等入寇義州等處擄掠人馬即令探問皆非朝鮮人故
故未得刷還但禁甫下土等勿復入寇因請米鹽綿布各給有
差且依前降諭書於虛茂等整兵接待不露形迹 回諭明澮
曰今來啓本已悉惟滿浦口子彼人接待時軍馬整齊不可常
也或為或否量宜施行不如不為之為愈示能示弱隨時變化
不宜與小醜介懷當如熱湯之無氣震雷之無形平壤所藏絲

布及布送滿浦鎮野人贈給事及許亨孫吳湘等仍令赴防事
依所啓施行○乙亥都體察使韓明澮遣從事官許琮上事目
上引見琮於丕顯閣回 諭曰今見許琮賫來事目具悉事意
詳在同封回答事目一雖賊人來攻冬日不可伐賊來攻得利
而還則束手而送之耶賊雖多聚實無體統誑誘烏合耳以我
數百千兵可敗殘虜數千萬衆况主客勢異何憂乎強弱我兵
雖曰不敷比之於虜數與精強不勞言諭勿分之以弱之勿合
之以縻之一千或二千為屯邊斥候慎放忽審敵伏忍輕敵見
幾則縱如雷震察情則守如太山何待何清如實來而無所得
有所損則何必問罪自有自滅之計一前日張孟昌敗於義州
取笑天下今後若因田獵體探觀兵等事卿須特差別將勿許
收使輕易出入一卿專制四道徵兵招討在於卿意何可一一
遠來取旨既其所稟答以所料耳不必盡從遙度之說遂 諭
京畿忠清慶尚全羅道都巡察使尹子雲曰黃海平安兩道徙
居人來甲申年徙居人一時發送今年則停之 命領議政申

叔舟右議政具致寬都承旨盧思慎等議邊事於賓廳遣清平
君郭連城于平安道以禹貢為義州牧使李拱肅川府使皆明
澮所薦也○丙子 御思政殿受常然視事臨瀛大君璆永膺
大君琰永順君溥龜城君浚銀山副正徹河城尉鄭顯祖青城尉
沈安義右議政具致寬領中樞院事沈澮戶曹判書曹錫文行
上護軍李允孫及承旨等入侍設酌 上謂錫文曰卿之治財
孰與蕭何錫文對曰以史所載何雖若可取若與臣同時未知
孰優 上笑曰當如劉晏何必蕭何錫文謝 上論治財之道
曰生之者衆食之者寡為之疾用之者舒財恒足矣大學平天
下不出此數語矣謂都承旨盧思慎曰汝秉史筆何以書之予
之事若是若非一從直筆可也後人見而有知者有不知者知不
知在彼庸何傷乎譬如清鏡在此妍蚩自照○上慮詳定既式
例橫着久而未成今永順君溥河城尉鄭顯祖分率朝官逐日
啓稟長直禁中勿許出 雖病啓聞方許歸家○丁丑以禮曹判
書朴元亨為弘文館大提學同知中樞院事梁誠之提學都承

旨盧思慎直提學○戊寅二更阿只率子即後宮朴昭容所生禮
曹議喪葬之儀以啓○日本國對馬州宗成職遣人來獻土物

○議政府六曹來問安○己卯 御思政殿永膺大君琰永順

君溥龜城君浚銀山副正徹河城尉鄭顯祖右叅贊崔恒及承

旨等入侍設酌樂學提調梁誠之成任等亦侍議定樂章行上

護軍李純之賚地理書進 御前論對 上曰如此之事無如

純之之精古人云耕當問奴織當問婢陰陽地理等事予必與

此人論之清平君耶連城辭往平安道 上引見賜弓劍馬粧

解所御山獺裘賜之曰此衣雖惡然毛性甚暖宜於禦寒今以

賜卿謂恒曰予於連城解衣衣之連城性威險苛刻待下少恩

於家人尤甚常用大杖及槌置諸座右少有不愜於心雖妻妾

無不榜之家人咸怨及死妻妾以下無一人哭者○辛巳 御

思政殿 召陣宗射宗講八卦圖 召成均館四部學堂儒生

會于庭下令禮曹判書朴元亨 傳曰所貴乎儒者將以致用

也今觀汝等有年少者或有已過芳年虛負日月者用人之道

固非一端近者如金致利梁震孫之輩皆從講書出予作一書
以為戲然有能通者予當舉用儒生等請見其書 命示之皆
未能解遂 命金溫等四人講所讀經書李枰等十餘人願講
八卦圖枰頗能對又募能講書者進士丘致崐講詩能對 上
曰此儒可用 命進酒○壬午先是儒生鄭孝溫遇李成蕃妻
內隱今於路擁與相話成蕃捕告刑曹刑曹以奸狀未著獨囚
成蕃拘留數月仁山君洪允成密啓其日奸與不奸未可知矣
臣聞孝溫曾奸內隱今 傳于承政院曰孝溫擁內隱今相話
奸與不奸未可臆料然其勢似奸承旨等其審覈以聞即 召
成蕃問之成蕃曰孝溫乃大司憲徐居正妻之從弟刑曹釋孝
溫不問又竇吾妻羅織無辜拷掠無數拘留至今又問內隱今
事竟無實 傳曰奸與不奸不須問當其時刑曹何不並囚孝
溫乎遂 傳旨義禁府曰鄭孝溫路逢李成蕃妻內隱今相奸
刑曹佐郎尹起璠不囚孝溫而反囚成蕃亂榜司憲府官吏不
察情偽牽附他司任情是非符同司上並推鞫以啓○濟州敬

差官權綸啓曾奉書狀濟州所捕倭人厚饋慰送并給過海糧
臣親見厚饋四十八名人給過海糧三斗倭人等扣頭拜謝曰
吾等不罪放還又給過海糧上恩至重但吾等皆著一單衣離
家日久衣弊殆盡累日還歸恐中道凍死請給衣服臣答以雖
小物未可擅給倭人等曰乞給布子補破衣臣與安撫使同議
以本州諸司奴婢貢布每一名給一匹命領議政申叔舟右議
政具致寬左贊成黃守身右叅贊崔恒等議之皆曰今倭人給
布一匹似為不足然息非上出邊將一時之與雖薄無妨且倭
人等已發還追給又難但諭對馬島主曰倭人深入他境或為
邊將所害或與邊民相詰甚為不當然今姑放還後勿如此○
吏曹啓成衆官呈都目人以窠闕不足置簿未受職者一百二
十七又每年兩都目及別仕呈都目人亦連次增出累年待闕
叙用無日請別仕橫出者今姑授影職以革淹滯之弊從之
○癸未 御書傳旨吏兵曹曰今後宣傳官鎮撫部將箇滿者
每當除授錄名以啓○甲申司憲執義芮承錫掌令韓致亨持

平權恪等啓曰金利用彼囚事臣等實同其咎請避嫌 傳曰
刑曹既誤憲府雷同再誤其宜避嫌○僉知中樞院事朴壽長
死於龍川都體察使韓明澮馳啓 御書下承政院曰人才可
惜其議別例之事少慰其靈壽長都節制使好問孫也為人便
捷不數年間擢拜堂上官○吏曹啓舊制歸厚所別坐四員用
朝官二僧人二交差今革僧人請依瓦窰例朝官一人加差
從之○十二月乙酉朔 下旨議政府自今僧人犯死罪以上
先囚啓聞取旨然後乃加拷掠若官吏因而陵蔑三寶者罪在
不測曉諭中外先是有僧六香盜泥堂寺懸幡永順君溥啓之
命囚六香鞫之仍下旨令於諸邑諸驛諸寺大門皆懸板以示
之○以洪元用為江寧君薛丁新同知中樞院事韓繼禧仁順
府尹元孝然漢城府尹辛永孫僉知中樞院事忠清道觀察使
金瑋崔漢卿慎後甲僉知中樞院事權攀江原道觀察使○丙
戌 御序賢亭令入直軍士用小形名習陣○咸吉道都節制
使康純馳啓聞兀良哈三百餘名往中朝更令探問乃因朝見

不帶兵仗徒步入歸實非為寇然野人之言固所難信謹移文
甲山三水及諸鎮諸堡今日嚴隄備 回諭曰野人帶軍器而
行到中國近地置之而往常事也其曰不帶兵仗甚可疑也前
者諭令詳問某處某某人入歸以啓何不如諭雜實入朝其姓
名及居處備悉以啓○戊子 御丕顯閣臨瀛大君璆承順君
溥龜城君浚銀山副正徹河城尉鄭顯祖右議政具致寬及入
直諸將承旨等入侍設酌講宣傳官鎮撫部將二十八變圖又
出 御製武經序講之皆莫通其義春陽副正徠頗能解 傳
曰春陽可人又令爭論捉虎之術 上曰予非為戲謔而為此
聽其言論而可知人品譬如明鏡在此而妍蚩自現耳宣傳官
曹幹言論精緻諸將莫及 上曰此人精通莫甚予於今日有
取於汝也○己丑 命河城尉鄭顯祖行僉知中樞院事金漑
往審忠清道溫陽溫井行宮將以明春行幸也○庚寅咸吉道
都節制使康純馳啓曾奉 下諭骨看兀狄哈本不與賊若有
欲來者約從上送兀狄哈今方往應滿州姑勿上送臣謹依

下諭施行然城底幹朶里兀良哈及深處兀良哈等亦欲上京
肅拜盡情乞哀臣權辭答之臣意以為其中本國人畜刷還者
及報告事變誠心歸順者依前詳定數上送為便○辛卯 回
諭康純曰今見啓本已悉城底幹朶里兀良哈等刷還人畜者
及報變歸順者量宜上送○議政府啓咸自尚事干人令全歸
道觀察使推鞠以送而至今不來請付有司問之 御書其尾
云宋文琳事事如此何以處之後政更啓仍 傳曰文琳大事
如此小事可知且其箇月幾何承政院啓來月箇滿○壬辰諭
都體察使韓明澮曰今見卿書甚合事宜前日所諭勸卿應機
耳非使之必攻也若無便幾若無激怒若無失利則持重為上
卿意甚善烈烈塞上遙慰冷宿○癸巳翠露亭池邊有虎蹤夜
召八直諸將曰左右廂駟白岳仁王等處若審知有虎予當親
往○甲午命居平正復進禮正衡金山正衍義盈庫直長金致
利等各率步卒二百未明列於都城底以青城尉沈安義為左
廂大將刑曹判書金碩為右廂大將左廂自社稷洞右廂自東

小門合驅白岳竟不得虎○乙未 御恩政殿設臘享祭飲福
宴獻官洪允成李邊及孝寧大君補臨瀛大君璆永膺大君琰
蓬原府院君鄭昌孫領議政申叔舟右議政具致寬右叅贊崔
恒中樞院使魚孝瞻工曹判書金守溫同知中樞院事梁誠之
吏曹叅判洪應仁順府尹韓繼禧承旨等入侍引見野人將其
大軍有玉時等三人令進酒 命允成問其所欲軍有請加已
職又請將其大之鞍馬弓劍 上曰汝等無功於國家除職足
矣而又濫請在所當罪第以遠人輸誠來附故特原之其勿更
言遂 命引出謂右承旨李坡曰野人豁壑之欲雖不可盡從
亦不可不從更欲優待若除職賞賜等物汝議於叔舟允成等以
啓謂奉石柱曰汝於予舊人但汝屢犯國憲故予之待汝不如
諸勲是汝之自取勿以為嫌○上以 世宗所制定大業保大
平樂舞歌詞句數多凡祭數刻之間難以盡奏故師其意而略
制之并定郊天樂舞既隸舞樂而無進饌徹籩豆送神之樂崔
恒等請之 上又制之 命恒製其詞 宗廟迎神熙文之曲

世德啓我後於昭想形聲肅肅薦明禋綏我賚思成奠幣熙文之
曲菲儀尚可交承筐將是帛先祖其顧欽式禮心莫莫進饌豐
安之曲執爨踏踏登我俎豆俎豆既登樂且和奏苾芬孝思維神
其右初獻保大平之舞熙文之曲列聖開熙連炳鬱文治昌頌
言頌盛美維以矢歌章基命之曲於皇聖穆浮海從慶歸附日
殷基我永命歸仁之曲皇矣上帝求民之莫迺瞻奧區迺遷明德
仁不可失于胥景從其從如市匪我之私匪我之私惟仁之歸惟
仁之歸誕啟鴻基亨嘉之曲於皇聖翼祗服厥辟聖度繼志眷
倚斯篤大亨以嘉景命惟僕輯寧之曲雙城澶漫曰惟天府吏之不
職民靡按堵聖桓輯寧流離卒復寵命是荷封建厥福隆化之
曲於皇聖祖適駿厥德仁綏義服神化隆洽憬彼島夷及其山
戎孔淑以懷莫不率從航之梯之欵我繹繹於赫厥靈邇多遠
肅顯微之曲於皇我聖考戡難保宗祐謳歌輿望隆敦讓顯美
德龍光之曲天子方濟邦人憂惶聖考入奏忠誠以彰媚于天
子赫哉龍光貞明之曲思齊聖母克配乾剛戡定厥亂贊誥

允臧猗歟貞明啓佑無疆大猷之曲列聖宣重光敷文綏四方
制作既明備大猷何煌煌繹成之曲世德作求率惟教功光闡
大平禮樂方隆左籥右翟曰既九變式昭光烈盡美盡善亞終
獻定大業之舞昭武之曲天眷我列聖繼世昭聖武庶揚無競
烈是用歌且舞篤慶之曲於皇聖穆建牙于朔適篤其慶肇我
王亦濯征之曲頑之豪據雙城我聖桓于濯征狙獷亡拓我疆
宣威之曲咨麗失馭外侮交熾島夷縱噬納寇恣睢紅巾魚然
元餘曩鼠孽僧跋扈胡魁陸梁於皇聖祖神武誕揚載宣天威
赫赫堂堂神定之曲愾我敵戒虎貔鼓厥勇若翰飛動九天正
又竒塘芥元旋自縻竹斯破孰我支耆定武神之為奮雄之曲
我雄我奮如雷如霆胡堅莫摧胡險莫平連連安安奏我訊馘
神戈一揮妖氛倏廓無侮無拂祚我東國順應之曲麗主拒諫
敢行稱亂我運神斷我師我返天人協贊寵綏之曲義旗載回
順迺多助天休震動士女悅豫後我寵綏壺漿用迎既滌穢德
東海永清靖世之曲彼孤臣扇禍機我皇考克炳幾神謀定世

以靖赫靖之曲島夷匪茹虔劉我圉爰赫斯怒爰整我旅萬艘
駕風飛渡溟渤迺覆其巢迺擣其穴譬彼鴻毛燎于方烈鯨波
迺息水奠鯨域水觀之曲於皇列聖世有武功盛德大業曷可
形容我舞有奕進止維程委委佗佗永觀厥成徹邊豆印成于
豆于豆于邊有苾有香來假儼然我禮既成告徹維虔送神興
安之曲裡祀卒度神樂康而洋洋未幾回我倏而霓旌彷彿雲
馭邈而園丘迎神熙文之曲右命荷玄休代理至羣生崇報迎
穹壇翹竚臨雲軒奠幣熙文之曲黍稷胡亶香百神壬有林我
將我圭幣昭事奉微忱進饌以我蘭栗與我齊明或肆或將祗
薦我誠神其居歆赫赫厥靈初獻基命之曲於穆玄宰神明莫
測禮嚴絜祀庶幾降格亞獻宣威之曲皇皇上帝臨下有赫我
應明命翼翼欽若假我烈祖配天禮陟成秩百神祀事不忒我
羞孔庶我牲孔潔顧子精衷再崇我爵終獻濯征之曲禮既備
樂既奏觴之重誠以侑錫我社帝其右徹邊豆於薦靜嘉邊豆
有楚邊豆既踐獻爵亦舉神既醉止廢徹有且送神神載起兮

返玄宅方騰颺輪兮遡寡廓兮跂子望兮杳空碧兮○丁酉以金
溉為中樞院副使權攀忠清道觀察使辛承孫江原道觀察使
尹欽僉知中樞院事○咸吉道都節制使康純馳啓臣聞上中
東良及朴加剌羅等處兀良哈光應時大等百餘人十月十六
日發程無兒界兀良哈好心波等十四人十一月初發程毛里
安則汝羅頭林大阿下伐引則愁靈大甫伊下則時時哈等率
其徒三百餘名十月初十日發程又各里兀良哈三百餘名及
火刺源兀狄哈四百名歸遼東遼東並送北京蒲州野人壯者
並歸中朝兀良哈等每年十月十二月間往中朝翌年二月二
十日間還到遼東三月晦時各還其家即 諭韓明滄曰同封
康純啓本傳准草看詳施行○日本國對馬州宗成職遣使來
獻土物○戊戌 御思政殿受常參視事王世子與臨瀛大君
璆永膺大君琰永順君溥龜城君浚銀川君積銀山副正徹鈴
川府院君尹師路右參贊崔恒行僉知中樞院事李邊中樞院
使魚孝瞻雞林君李興商行上護軍宋處寬吏曹參判洪應兵

曹參判金國光禮曹參議曹變安戶曹參議安哲孫工曹參議
沈璿承旨等入侍 上謂恒曰世子今讀尚書畢則次授詩讀
詩畢欲授通鑑何如恒曰允當通鑑史學之宗所當先知同副
承旨尹弼商啓死囚 上反復下疑仍謂世子曰刑獄至重人
命所關人主所當軫念者若官吏不察情實捏合成獄曰此人
可殺人主慢不之察亦曰可殺乃殺之則彼亦予之亦予於君
父之道何如也人主每遇獄事當求其可生之道 世宗嘗謂
文宗曰刑獄雖答罪不可容易處決予未嘗敢忘汝當體予此
意仍謂諸宰樞曰世子不可不知公事予使世子在此欲其學
治事也卿等亦各言所蘊國事臧否民間弊癘莫不陳之邊啓
諸陵獻官根隨不可不供給渡冬支供不可令津夫自辦孝
瞻啓諸邑奴婢不可數少詳定哲孫啓行幸溫陽時請親審堀
浦代納貢物者未納之貢已令并餘利沒官請勿徵家產應啓
請別設外戚官制變安啓諸道牧場兒馬請分養諸邑興商啓
諸修葺各坊軍鋪又移植栗島甘草璿啓諸邑守令請以捉虎

多少賞罰 命下該司○己亥 御序賢亭觀射○庚子幸
木覓山南觀獵園內有狐五兔三 命王世子射之皆中遂至
江邊高丘 命左右廂結陣令兼司僕及獅子衛等射羽箭角
勝負 駕還幸洪允成第上曰予以有欲來之志今者過門不
入則不可允成進酒 命允成飲扈駕宗宰酒賜允成米五十
石○辛丑以權攀為花山君江原道觀察使辛未孫僉知中樞
院事忠清道觀察使○幹朵里副司正李慶虛乃等四人來獻
土物○壬寅 幸我嵯山亡兀里嶺觀獵○癸卯 御丕顯閣
召領議政申叔舟右叅贊崔恒吏曹叅判洪應行上護軍宋慶
寬都承旨盧思慎等定兵書口訣○以詳定所事多錯誤 命
收輔德金良璫行護軍閔圭告身罷行護軍金石梯李石山兼
判通禮門事羌允範訓練副使鄭永通戶曹正郎鄭忻司贍主
簿尹惠行副司正尹慎德等職○御書傳旨司憲府曰金仁民
受罪罷黜吏曹泛然入啓為軍資判事是見貶於君而得褒於
臣也如此則畏誰歟不但此耳近間受責者無特旨而遷轉者

加資者如是等祿分僥倖者必多窮極推究以啓○甲辰 上
與中宮 御丕顯閣宗親等進豐呈○乙巳日暈○御康寧殿
召陣宗及承旨等親授規模今詳定橫看○選司憲監察李義
生妾女子入東宮○丙午 幸白沙亭觀習陣令獅子衛射隊
兼司僕及左右廂以羽箭相射朱槍相刺 命右弼衛下袍著
黑衣戴高笠持羽箭率兼司僕以奇計突入左右廂陣射大將
曰此刺客之流也袍至右廂不得入至左廂突入陣內射大將
沈安義 上曰無標信突入者安知祿賊而輕許入陣乎如韓
繼美者得矣 命賜繼美袍等各馬一匹○丁未日本國對馬
州宗成職上松浦益津留伊勢守源間各遣人來獻土物○戊
申日本國對馬島宗成職遣人來獻土物何多山住骨看兀狄
哈金哥尚可等三人及汝吾里住女真金伊郎哈等二人來獻
土物○遣兼司僕韓奉運等捕虎于廣州南陽等處○庚戌諭
都體察使韓明澮曰銃筒之用利害相嘗騎而攻之馬旋回則
箭及及我若怯者則雖步放箭亦及我至極詳之○中樞院副

使李孝智率於慶尚道

賜賻紙一百卷米豆各二十石并給

棺槨○辛亥日珥○上製醫藥論以示韓繼禧盧思慎及兒宗等命任元濬出註印頒論曰夫治病用藥變吉凶弄造化定禍福只在下寒熱對治而已乘盛衰早圖而已八種之醫所莫窺也人之始付病也氣猶盛藥力易行亦可施烈藥及其勞困藥力不行亦不得施烈藥則無如之何矣故曰乘盛衰而早圖也寒則必有熱熱則必有寒內外中間多少未分非深得妙處者難下至如酒痢而泄瀉以為冷而報熱藥則痢不止而成他證若飲冰水愈多愈美是知熱極生冷冷極生熱故曰下寒熱而對治也瘡疹傷寒之劑不外是耳大抵用藥如是而已若氣敗心喪人理已傾則不如勿藥焉何謂八種之醫一者心醫二者食醫三者藥醫四者昏醫五者狂醫六者妄醫七者詐醫八者殺醫心醫者教人常使心安病者勿動其心殆時苟無大害必曲從其願心安則氣安故也有與病者對酒不醒者此非心醫也食醫者以為口所甘食也口甘而氣安口苦而已苦食有

寒熱可以對治何籍苦辛枯草腐根有不禁過食者此非食醫也藥醫者只知按方循文用藥雖至危困勸藥不撤者也昏醫者臨危先迷當急便緩昏昏如失罔知所措見事不知某事聞言不知其趣兀然坐睡無所施為者也狂醫者無詳審而遽用烈藥針砭等亦無忌諱自言我見鬼而擊勝焉如遇巫祀輒入醉舞者也妄醫者命藥無或當不與議而徃恣不已者也許醫者心欲為醫認為醫行實專不知者也殺醫者小有聰明自以為足未更世事未通人天曾無愍惻之心固守好勝之志東以折西先言而後求於心求而不得附會而莫合其義豈不愧於識者姑且矜於迷人慢忽神人種植迷業今無現厄何時改轍是之謂殺醫殺醫者非愚而自是非他陵慢之徒也最下無所用當殺其一身莫殺其他身又有無心之醫者心為生本無生無生無病無病無醫無醫無事○投化骨看兀狄哈李多弄哈等五人來獻土物○壬子日暈○鈴川府院君尹師路卒 命停朝市二日師路尚 世宗女貞顯翁主 世祖即位 賜佐翼功

臣彌性穎悟善解人意論財談利不遺錙銖每進見者古帽垢
衣 上常言其人貪吝驟富家累鉅萬然下士而不驕人頗多
之謚忠景廉方正忠由義而濟景有二子潘濬○日本國對
馬州宗成職遣人來獻土物○癸丑 御思政殿觀棒戲 命
禁內諸司員各於其司守歲 賜酒穀官幣有差

世祖惠莊大王實錄卷第三十一

世宗憲皇帝大正實錄卷三十一

禁內務府員名於其同守端 賜斷難官亦可差

照例宗室鄉盡人來鄉生林○祭任 情思如環轉

之臨政景風大八五必由委而新景亦二子新黨○日本國

各土常言其人會各職官客果推尊於可七亦不難入政

引視中藥對善助人意補復德保不致險險身起果緣古動

世祖惠莊大王實錄卷第三十二

甲

十年大明天順八年春正月甲寅朔御勤政殿受朝賀設會禮宴王

世子進酒孝寧大君補臨瀛大君璠永膺大君琰永順君溥龜

城君浚銀山副正徹河城鄭尉顯祖領議政申叔舟右議政具

致寬河東府院君鄭麟趾等文武百官倭野人皆就班補叔舟

等以次進酒酒七行賜侍衛軍士酒命妓工人上殿奏樂又

令倭野人皆升殿歌舞御思政殿觀儺戲世子與三大君兒

宗永順君溥龜城浚銀山副正徹河城尉兼叔舟致寬入直諸

將承旨等入侍設酌○日本國對馬州大守宗成職遣使來獻

土物○乙卯御思政殿觀儺戲王世子與孝寧大君補臨瀛

大君璠永膺大君琰入直諸將承旨等入侍奏樂設酌上聞

判中樞院事趙惠率命罷之停朝市二日惠性醇厚寬和樂

易不事苛細然教子不謹率皆無賴皆好聲色頗有帷溥之醜

惠不能制無嚴父之道人以此少之謚恭安執禮御賓恭寬裕

和平安○都體察使韓明澮遣從事官李文煥啓通事閔尚德

隨李豆里到建州還告云初到豆里家其妻及母子皆自山中
來言自迷惑之徒侵犯上國吾輩不能安業乃具酒餼饋之俄
而李滿住管下張多陽可來語豆里曰火刺温兀狄哈麟加大
泥邑之伐郎巨等欲寇平安道來屯于侯羅騎兵三十四人自
稱浪孛兒罕種族滿住童倉等欲止之言未既豆里止之謂我
曰麟加大等退兵則使人馳報不退則吾當親告○戶曹啓凡
代納貢物者率皆先收其價過限不納請沒入其價其未充納
者家產田民准計以徵 從之○禮曹啓新定醫負取才時所
講醫書正從三品講素問正從四品張子和方正從五品小兒
藥證直訣瘡疹集正從六品傷寒類書外科精要正從七品婦
人大全產書正從八品直指方正從九品以下至生徒銅人經
唯大全本草脉經則皆講之○丙辰御康寧殿受王世子生
辰宴元日即生辰以有曾禮宴故至是設宴孝寧大君補臨瀛大君璆永膺大君
瑤龜城浚永順君溥瑞原卿案永川卿定寶城卿容銀川君積
領議政申叔舟右議政具致寬領中樞院事沈會判中樞院事

沈決尹士盼知中樞院事尹士所等入侍王世子進酒上引見野人阿乙豆子阿羅哈令進酒賜彩段囊刀仍使饋於賓廳阿羅哈年甫十二自言父遣我曰殿下待汝厚則我亦入朝有問其他者皆不對○咸吉道都節制使康純奉書于承政院以啟曰臣聞兀狄哈都萬戶八里言欲起兵攻高嶺幹朵里以復私讎臣已諭高嶺各鎮曰彼若起兵聲言復幹朵里之讎實欲與我戰則依前降諭書語之曰我國待汝等極厚乃何忘國厚恩反欲作賊乎如此而猶欲戰不已則審觀形勢臨機應變回諭曰前者兀狄哈攻幹朵里時幹朵里請入高嶺城見兀狄哈火其家不勝其憤潛從水竇出射之兀狄哈固以我為護幹朵里今幹朵里被攻而我復助之則彼必構釁於我矣幹朵里自有土城不納可也然幹朵里附我既久若其勢窮亦不可不納卿須斟酌善處不搆釁於兀狄哈亦不失幹朵里之心○丁巳御思政殿觀棒戲寶城卿咨永川卿定誼城君案銀川君贊銀山副正徹河城尉鄭顯祖青城尉沈安義知中樞院事尹士

新都承者盧思慎等入侍又御忠順堂觀放火砲先設火山
棚於後苑又於白岳峯頭設直上火是夕一時俱放火燄燭天
又於苑中交放火箭狀如流星警如震雷○戶曹據平安道觀
祭使啓本米豆切於軍需請以皮穀賑餼於民至秋一半徵米
豆一半徵皮穀從之○己未巡幸支應使兵曹判書尹子雲
議巡幸事自以啓御書紙尾云路邊山谷積柴聚炬修治道
路等事皆禁之如有違令現諂者則觀察使以下重論之○戶曹
據黃海道觀察使啓本啓諸浦燔益本為救荒請給一千石以
賑貧之從之○日本國對馬州太守宗成職遣使來獻土物○
刑曹據咸吉道都觀察使啓本啓本道野人雜處之地當示禮
儀吉州人崔閏孫恃為功臣之子陵蔑本州守令至欲拳歐之
為鄉人李繼蕃所制而止且其子繫獄劫囚帶去其不畏邦憲
愿惡莫甚請破家黜鄉以戒後來命收閏孫告身○庚申
御康寧殿召右議政具致寬戶曹判書曹錫文禮曹總判任元
濬及承旨等設酌御書傳于吏曹兵曹禮曹云醫術世間

之要法國家利害之所關聖人能事之極功而人殘教弛類分
八種姦愚競慝有殺無活苟不更張其故不小今後醫員除授
必考實才不拘資格合行事件條列于後一都目前二度試講
一通三畫略二畫粗一不通削二一門通中一不中一准計
多者中一門高而級早則行早門每都目加資准門而止無下
不加假如門負有才下於行早門者則行者有闕越加門負不
差下有闕當入而級早故行早此非有下者非行無加門滿才
也但因有闕者也以有闕故越都目而加資非行無加中而級
所謂無闕作散者也有行有加然後有行早門各望其門無下有
文本署畫失中并行盡失 上聖學高明無所不通以至天文地
理醫藥卜筮皆極精研至是慮醫術不精有是命○辛酉 傳
曰自今處女姓李者祇宗姓則並禁婚以備揀擇遣宦官李存
于慶尚道申雲于全羅道棟慶女將以納東官也○以宣阿為
中樞院副使柳自濱司憲持平鄭種慶尚左道節制使洪益誠
慶尚左道處置使○軍器監提調啓開城府分軍器監年久
頽圯請移置軍器於合坐所 從之○壬戌召戶曹判書曹錫

文曰禮曹請以十二日祭 宗廟十五日祀園丘然連日齋戒
恐廢庶務更議之錫文啓丁丑年初祀園丘時臣為近侍詳知
其事以十四日祭 宗廟十五日祀園丘今亦十四日祭 宗
廟為便 從之○御書傳于戶曹曰凡經費用新定式例寧壽
慈壽壽成宮則仍舊例終其身而止○日本國對馬州太守宗
成職遣使求論語三體詩賜之○癸亥承傳宦官李得守曹彥
金末生等嘗受啓稟公事留滯不下 命收告身定造紙所擣
砧軍 上曰 世宗朝承傳宦官崔濕田昀為上金忠次之今
得守慧詰過於此數輩非至明無以辨茲吾豈墮於術中匪教
匪誨時惟婦寺自古誤人家國者未必非此輩也凡宮人中官
少有過失輒用重罰以警之○上將幸溫陽溫井分遣監察閤
憶金良奉等于忠清道察守令憑依巡幸斂民作弊者仍令周
行郡縣待車 駕還都乃還○甲子 上齋于丕顯閣將以親
祀 宗廟園丘也○傳于吏曹孫昭等十人罷職柳瑤等七人
罷職仍削前仕韓致良等四十六人削前仕安克祥等十一人

奪告身以校正醫方類聚多致錯誤故也○乙丑 上教世子
食忌令造牌佩之曰不可恃氣力不可恃天命莫之為而為者
命也恃而保者命蕩而失者命也而不可以不知而推之於命
也有意慎之者安知非因命之預定哉○禮曹據戶曹關啓松
峴龍山分軍資監松峴西江分豐儲倉西江分廣興倉皆用奉
使之印出納錢穀恐有奸偽請各以本衙門名號改造行用還
收奉使印藏本曹 從之○御書曰世子遵 文宗世子時故
事入叅朝啓○丙寅夜三鼓 上詣宗廟齋室○丁卯日暈○
上親祀 宗廟奏新制定大業保太平之樂其儀其日丑前五
刻丑前五刻即三更三刻宮闈令率其屬開室整拂神幄每座皆
設席蒲筵續純加莞席粉純右彫几 宗廟令典祀官各率其
屬入實饌具畢贊引引監察升自阼階凡行事執事官按察堂
之上下糾察不如儀者還出前三刻諸享官及陪祭官各具其
服享官祭服陪執禮率謁者贊者贊引入自東門先就階間懸
北拜位重行北向西上四拜訖各就位雅樂令帥工人二舞入

就位文舞入陳於懸北武舞立於懸南道西奉禮郎分引陪祭

宗親及文武百官入就位副知通禮引亞獻官贊引引諸享官

俱統東門外位贊引引監察典祀官大祝祝史齋郎宗廟令

宮闈令協律郎捧俎官執樽罍篚簋者七祀功臣祝史齋郎執

樽罍篚簋者入就懸北拜位重行北向西上執禮曰四拜贊者

贊鞠躬四拜興平身九執禮有辭贊者皆傳贊監察以下皆鞠躬四拜興平

身贊引引監察及典祀官就位贊引引諸執事請盥洗位盥洗

訖各就位前一刻副知通禮引亞獻官贊引引終獻官進幣瓚

爵官薦俎官奠幣瓚爵官七祀功臣獻官入就位贊引引大祝

宗廟令宮闈令升自阼階詣桓祖室入開堦室大祝宮闈令

捧出神位設於座詣神幄內於几左啓匱設於座先王神主大祝捧出覆以青等巾太祖以下神位如

桓祖室儀引降復位贊引引

齋郎詣爵洗位洗瓚拭瓚洗爵拭爵置於篚捧詣泰階諸祝史

各迎取於階上置於樽所坫上訖諸享官將入就位判通禮詣

齋宮前俯伏跪啓請中嚴小頃又啓外辦殿下具冕服以出

織扇侍衛如常儀禮儀使導 殿下至東門外近侍跪進圭 殿

下執圭織扇仗衛停於門外尚瑞官奉寶陳於小次之側禮儀使

導 殿下入自正門侍衛不應入詣版位西向立每立定禮儀

執禮曰樂作軒架作保大平之樂保大平之舞作樂止執禮曰

四拜禮儀使進俯伏跪啓請鞠躬四拜興平身 殿下鞠躬四

拜興平身在位者同贊者亦贊先拜者不拜執禮曰禮儀使啓請行事禮

儀使進俯伏跪啓有司謹具請行事退復位近侍詣盥洗位盥

洗訖還侍位謁者引進幣瓚爵官奠幣瓚爵官詣盥洗位盥洗

訖升自阼階詣 桓祖室尊所北向立執禮曰禮儀使導 殿

下行奠幣禮禮儀使導 殿下詣盥洗位北向立禮禮儀使俯伏

跪啓請搢圭 殿下搢圭如搢不便近侍承奉近侍跪取匱興添水又近

侍跪取盤承水 殿下盥手近侍跪取巾於篚以進 殿下悅

手訖近侍受巾奠於篚禮儀使啓請執圭 殿下執圭禮儀使

導 殿下升自阼階近侍詣 桓祖室尊所西向立登歌作保

太平之樂保大平之舞作執尊者舉纂進幣瓚爵官酌爵斝近

侍以瓚受爵鬯禮儀使導 殿下詣神位前北向立禮儀使俯

伏跪啟請搢圭 殿下跪搢圭在位皆跪亦贊者近侍一人捧

香合跪進一人捧香爐跪進禮儀使啟請三上香 殿下三上香

近侍奠爐于案近侍以瓚授進幣瓚爵官進幣瓚爵官奉瓚跪

進禮儀使啟請執瓚裸地 殿下執瓚裸地訖以瓚授奠幣瓚

爵官奠幣瓚爵官受以授大祝置於尊所近侍以幣篚授進幣

瓚爵官進幣瓚爵官捧幣跪進禮儀使啟請執幣獻幣 殿下

執幣獻幣以幣授奠幣瓚爵官奠于案凡進香進瓚進幣皆

進爵皆在西東向此禮訖使啟請執圭俯伏與平身 殿下執圭俯

伏與平身在位者同贊者禮儀使導 殿下出戶詣 太祖

室次詣 恭靖王室次詣 太宗室次詣 世宗室次詣 文宗室上

香裸鬯奠幣並如上儀訖樂止進幣瓚爵官奠幣瓚爵官皆降

復位禮儀使導 殿下出戶降自阼階復位當樂止時諸祝史

各取毛血盤肝鬯於前楹間俱入奠於神位前毛血盤在既

在左諸祝史俱取肝出戶燔於爐炭還尊所 殿下既升裸贊

引引典祀官出帥進饌者詣厨以七升牛于鑊實于一鼎次升

羊實于一鼎次升豕實于一鼎每實為牛皆設扃籩祝史對舉

入設於饌幔內謁者引薦俎官出詣饌所捧俎官隨之俟殿

下裸訖復位執禮曰進饌祝史抽扃委于鼎右除籩加七畢于

鼎典祀官以七升牛實于牲匣次升羊豕各實于牲匣每實各

匣一次引薦俎官捧 桓祖室俎捧俎官各捧牲匣典祀官引饌

入自正門南俎初入門軒架作豐安之樂諸祝史具進撤毛血

盤自阼階授齋郎以出饌至泰階諸大祝迎引於階上薦俎官

詣 桓祖室神位前北向跪奠先薦牛次薦羊次薦豕諸大祝助奠

奠訖啓牲匣蓋詣 太祖室次詣 恭靖王室次詣 太宗室

次詣世宗室次詣 文宗室捧奠並如上儀訖樂止謁者引薦

俎官以下降自阼階復位諸大祝各取蕭黍稷擣而專切於脂燔

於爐炭還尊既謁者引進幣瓚爵官奠幣瓚爵官升詣 桓祖

室尊既北向立執禮曰禮儀使導 殿下行初獻禮禮儀使導
殿下升自阼階詣 桓祖室尊既西向立登歌作保太平之

樂保太平之舞作執尊者舉纂進幣瓚爵官酌醴齋近侍二人以爵受酒禮儀使導 殿下詣神位前北向立禮儀使俯伏跪

啓請跪摺圭 殿下跪摺圭在位者皆跪亦贊者近侍以爵授進

幣瓚爵官進幣瓚爵官捧爵跪進禮儀使啓請執爵獻爵 殿

下執爵獻爵以爵授奠幣瓚爵官奠于神位前近侍以副爵授

進幣瓚爵官進幣瓚爵官捧爵跪進禮儀使啓請執爵獻爵

殿下執爵獻爵以爵授奠幣瓚爵官奠于 王后神位前禮儀

使啓請執圭俯伏興少退北向跪 殿下執圭俯伏興少退北

向跪樂止大祝進神位之右東向跪讀祝文訖樂作禮儀使啓

請俯伏興平身 殿下俯伏興平身在位者俯伏興平身禮儀

使導 殿下出戶樂止詣各室獻酌並如上儀樂止進幣瓚爵

官奠幣瓚爵官皆降復位禮儀使導 殿下出戶降自阼階復

位禮儀使俯伏跪啓請入小次導 殿下將至小次禮儀使俯

伏跪啓請釋圭 殿下釋圭近侍跪受圭 殿下入小次保太

平之舞退定大業之舞進初 殿下將復位執禮曰行亞獻禮

副知通禮引亞獻官若非王世子則謂者引詣盥洗位北向立
贊搯笏盥手盥手洗悅手手不贊贊執笏引亞獻官升自阼階詣

祖室尊所西向立軒架作定大業之樂定大業之舞作執尊者

舉纂酌盞齊執事者二人以爵受酒引亞獻官詣神位前北向

立贊跪搯笏執事者以爵受亞獻官執爵獻爵以爵授執事者

奠于神位前執事者以副爵授亞獻官亞獻官執爵獻爵以爵

授執事者奠于王后神位前副知通禮贊執笏俯伏興平身

引出以次酌獻並如上儀訖樂止引進使引降復位亞獻官獻

將畢執禮曰行終獻禮謁者引終獻官行禮如亞獻儀初終獻

官既升贊引引七祀獻官詣盥洗位搯笏盥手悅手訖執笏詣

尊所執尊者舉纂酌酒執事者以爵受酒獻官詣神位前西向跪

搯笏執事者授爵獻官執爵獻爵奠訖執笏俯伏興少退西向

跪祝就獻官之左北向詭讀祝文訖獻官俯伏興平身贊引引

獻官復位初七祀獻官將詣盥洗位贊引引配享功臣獻官詣

盥洗位搯笏盥手悅手訖執笏詣尊所執事者舉纂酌酒執事

者以爵受酒獻官詣神位前東向立搢笏執事者授爵獻官執爵奠爵以次奠訖執笏贊引引獻官復位初終獻官既復位謁者引進幣瓚爵官薦俎官升自阼階詣飲福位北向立大祝詣桓祖室尊酌以爵酌上尊福酒又大祝持俎進臧神位前胙肉執禮曰禮儀使導 殿下詣飲福位禮儀使進小次前俯伏跪啓請詣飲福位 殿下出次近侍跪進圭禮儀使導 殿下詣飲福位禮儀使進小次前俯伏跪啓請詣飲福位 殿下出次近侍跪進圭禮儀使俯伏跪啓請執圭 殿下執圭禮儀使導 殿下詣飲福位西向立大祝以爵授進幣瓚爵官進幣瓚爵官捧爵北向跪進禮儀使俯伏啓請跪搢圭 殿下跪搢圭在位者皆跪 殿下受爵飲訖進幣瓚爵官受虛爵以授大祝大祝受復於坵大祝以俎授薦俎官捧俎北向跪進禮儀使啓請受俎 殿下受俎以授近侍捧俎降自阼階出門授司饗進幣瓚爵官薦俎官皆降復位禮儀使啓請執圭俯伏興平身 殿下執圭俯伏興平身在位者皆俯伏興平身禮儀使導 殿下降

復位執禮曰四拜禮儀使俯伏跪啓請鞠躬四拜興平身殿

下鞠躬四拜興平身在位者同贊者亦贊執禮曰撤邊豆登歌作雍

安之樂諸大祝入室撤邊豆撤者簋豆少移於古處一七祀功臣祝史齋

郎各撤邊豆撤訖樂止執禮曰行送神禮軒架作興安之樂執

禮曰四拜禮儀使俯伏跪啓請鞠躬四拜興平身殿下鞠躬

四拜興平身在位者同贊者亦贊樂止禮儀使俯伏跪啓禮畢導

殿下還齋宮禮儀使俯伏跪請釋圭殿下釋圭近侍跪受圭

繳扇侍衛如常儀殿下八齋官釋冕服執禮曰望瘞引進使

引亞獻官詣望瘞位北向立執禮帥贊者詣望瘞位西向立諸

大祝取黍稷飯籍用白茅束之以篚取祝版及幣降自西階置

於坎執禮曰可瘞置土半坎宗廟令監視副知通禮引亞獻官

贊引引諸享官出執禮帥贊者還本位奉禮部分引陪祭宗親

及百官以次出贊引引監察及諸執事俱復懸北拜位執禮曰

四拜監察及諸執事皆鞠躬四拜興平身贊引以次引出雅樂

令帥工人二舞出宗廟令大祝官闡令納神主如常儀執禮帥

謂者贊者贊引就懸北拜位四拜而出七祀獻官詣西門外七祀瘞坎之南北向立執事者置祝版於瘞坎瘞訖退典祀官宗廟令各率其屬撤禮饌宮闈令闔戶以降乃退車駕還宮是祭也大司成金瑋執禮上饗訖還齋殿召禮儀使禮曹判書朴元亨及都旨承盧思慎賜酒謂曰今奏新樂得展大禮一無差失甚喜成世宗遺意元亨等曰若非上之善述世宗之志終墜地矣上又曰執禮者誰元亨對曰金瑋也又曰予比患病艱於動作皆飲福必率爵今不能然可歎已明日圜丘禮數寔繁恐至勞倦當改儀注務從簡約卿終夜勤動宜先就圜丘齋所休息以待令執禮者就崔恒更節儀注以啓瑋與恒約奠幣三獻節次為奠幣後連奠三獻之儀以啓從之○夜二鼓御遠遊冠以沈安義為左廂大將韓繼美右廂大將前後部鼓吹陳而不作至圜丘齋所幄殿○戊辰祀于圜丘用新制樂其儀曰祀日行事前五刻典祀官帥其屬服其服入寶饌具畢諸位大祝設神位版於座贊引引監察升自外陞按

視壇之上下糾察不效儀者還出前三刻諸祀官及陪祀羣官

各服其服祀官祭服 官朝服執禮帥謁者贊引入自壇東門先

就壇南懸北拜位重行北向西上四拜訖各就位雅樂令帥工

人入就位奉禮郎分引陪祀羣官各由外壇東西門入就位副

知通禮引左分獻官非王出子則謁者引之下同謁者引右分獻官又謁者

贊引各引諸祀官俱就壇東門外位贊引引監察大祝典祀官

祝史齋郎協律郎捧俎官執尊壘篚纂者入就位北向西上執

禮曰四拜贊者傳贊凡執禮有辭贊者皆傳贊下同監察以下皆四拜訖贊引

引監察就位引典祀官就厨所贊引引諸執事各就位前一刻

謁者贊引各引進幣進酒官奠幣奠酒官進俎官奠俎官入就

位副知通禮引左分獻官謁者引右分獻官入就位贊引齋郎

各詣爵洗位洗爵拭爵訖置於篚捧訖尊所置於坫上諸祀官

將入就位判通禮詣大次前啓請中嚴少頃又啓外辨殿下

具冕服以出繳扇侍衛如常儀禮儀使導殿下至中壇南門

外近侍跪進圭禮儀使跪啓訖執圭殿下執圭繳扇及寶停

於門外

侍衛不應入者亦止於門外

禮儀使導

殿下入止

正門詣位西向

立

每立定禮儀使退於左

執禮曰樂作軒架作保太平之樂保太平之舞

作燔柴瘞毛血諸大祝舉牲首盤毛血豆各由其陞授祝史祝

史各捧牲盤詣燎壇上加柴燔之又大祝各捧毛血豆瘞於坎

執禮曰樂止四拜禮儀使啓請四拜

殿下四拜

分獻官同詣者引

進俎官奠俎官捧俎官出詣饌所謁者引進幣進酒官奠幣奠

酒官陞詣昊天上帝尊所北向立

謁者止於壇下

執禮曰禮儀使導

殿下奠幣禮儀使導

殿下詣昊天上帝神位前北向立執

禮曰樂作登歌作保太平之樂保太平之舞作禮儀使啓請跪

搢圭

殿下跪搢圭

同官近侍一人捧香合跪進一人捧香爐

跪進禮儀使啓請三上香

殿下三上香近侍奠爐進幣進酒

官奉玉幣跪進禮儀使啓請獻玉幣殿下受玉幣以授奠幣

奠酒官奠于神位前

進香進幣在東西向奠爵同

禮儀使啓請

執圭俯伏興平身

殿下執圭俯伏興平身

同百

禮儀使導

殿下詣皇地祗神位前上香奠玉幣如上儀次詣配位前上香

奠玉幣如上儀訖執禮曰樂止進幣進酒官以下降自卯陞復位

禮儀使導 殿下降自午陞復位初 殿下將奠配位幣副知

通禮引左分獻官由巳陞升詣神位前跪謂者引右分獻官由未陞一時陞詣夜明

位次諸風雲雷雨位次次諸祝史奉香合齋郎奉香爐跪進左分

獻官三上香齋郎奠爐大祝以幣跪進左分獻官以受授大祝

奠于大明神位前左分獻官俯伏興平身次詣星辰位次詣東

南西北海位上香奠幣如上儀訖降復位初 殿下既陞奠幣

謂者引進俎官奠俎官奉俎官出饌所候 殿下奠幣訖祝史

盛鼎實牲匣進俎官奠俎官帥捧俎官各捧牲匣詣正門外立

執禮曰進饌樂作軒架作隆安之樂饌各至其陞俎下將陞進

等先陞奠典祀官就本位正位三饌午陞下立東三位執禮曰

禮儀使導 殿下進饌禮儀使導 殿下詣上帝位前北向立

禮儀使啟請跪搢圭 殿下跪搢圭分獻官跪進俎官等捧牲匣

在東跪進禮儀使啟請進饌 殿下受牲匣以授奠俎官奠俎

官在西奠于神位前皆降復位禮儀使啟請執圭俯伏興平身

殿下執圭俯伏與平身分獻官次詣皇地祇次詣配位前如上

儀訖進俎官以下降復位樂止禮儀使導 殿下降復位執禮

曰行初獻禮謂者引進幣進酒官奠幣奠酒官請上帝尊所北

向立禮儀使導 殿下詣上帝尊所北向立執禮曰樂作登歌

作保太平之樂保太平之舞作執尊者舉簋近侍酌泛齊進幣

進酒官以爵受酒禮儀使導 殿下詣上帝神位前啓請跪擯

圭百官進幣進酒官捧爵跪進禮儀使啓請獻爵 殿下以爵

授奠幣奠酒官奠于神位前禮儀使啓請執圭俯伏與平身

殿下執圭俯伏與平身次詣皇地祇位前獻爵如上儀訖禮儀

使導 殿下詣上帝神位前北向跪執禮曰樂止大祝東向跪

讀祝文訖執禮曰樂作禮儀使啓請俯伏與平身 殿下俯伏

與平身同百官禮儀使導 殿下詣配位獻爵如上儀執禮曰樂

止禮儀使導 殿下降復位執禮曰保太平之舞退定大業之

舞進行亞獻禮初獻 軒架作定大業之樂定大業之舞作

行終獻禮如亞獻但 大祝詣正配位三位尊所各酌第一尊福

酒合置一爵又大祝持俎進減上帝位俎肉所一脚執禮曰賜福胙禮儀使導 殿下詣飲福位北向立進幣進酒官進俎官

由卯陞隨陞大祝以爵授進幣進酒官進幣進酒官捧爵西向

跪進禮儀使啓請跪搢圭 殿下跪搢圭分獻官百受爵率爵

進幣進酒官受虛爵授大祝又大祝以俎授進俎官進俎官捧

俎西向跪進禮儀使啓請受俎 殿下受俎以授近侍近侍捧

俎降自午陞出門授司饗進幣進酒官進俎官由卯陞降復位禮

儀使啓請執圭俯伏與平身 殿下執圭俯伏與平身百官禮

儀使導 殿下降復位執禮曰四拜禮儀使啓請四拜 殿下

四拜百官執禮曰徹邊豆樂作登歌作成安之樂諸大祝各徹

邊豆徹者邊豆合執禮曰樂止執禮曰行送神禮軒架作寧安

之樂執禮曰四拜禮儀使啓請四拜 殿下四拜百官執禮曰

樂止禮儀使啓禮畢導 殿下還大次 殿下至中壝門外禮儀

使啓請釋圭 殿下釋圭近侍受圭侍衛如常儀副知通禮引

左分獻官出執禮曰望燎瘞謁者引右分獻官詣望燎位執禮

帥贊者詣望燎位諸大祝各詣上帝配位大明夜明星辰東南西北海神座前以篚取幣祝版祝史以俎載牲體上帝牲前二脚黍稷飯除飯及爵酒各由其陞降詣燎壇以幣祝版饌物置於燎柴執禮曰可燎東西面各六人以炬火燎半柴典祀官壇司監視次詣望瘞位諸大祝詣皇地祗岳瀆山川紳座前以篚取幣祝史以俎載牲體地祗牲前一脚黍稷飯及爵酒各由其陞降置於坎執禮曰可瘞置土半坎典祀官壇司監視謁者贊引各引諸祀官出執禮帥謁者贊引還本位奉禮郎分引陪祭宗親文武百官以次出贊引引監察諸執事俱復拜位執禮曰四拜監察及諸執事四拜訖贊引以次引出雅樂令帥工人出謁者贊者贊引就拜位四拜而出典祀官藏神位版徹禮饌以降乃出還宮召右議政具致寬禮曹判書朴元亨都承旨盧思慎等曰古人云宗祀文王於明堂以祀上帝此實帝王之盛事且予草定新樂而用之郊廟遂成大禮先王之志乃今成之喜可量耶其賜求順君溥右叅贊崔恒禮儀使朴元亨鞍馬領議政申叔

舟樂學提調梁誠之成任郎廳鄭沈馬一匹又傳曰今日裡
祀式禮莫愆園丘及宗廟享官各加一資資窮者子胥弟姪
中許一人代加平明還宮至勤政殿召王世子進酒有頃入
內還御勤政殿受賀王世子致詞云新樂既成啟禮告畢
先王大業是繼是述薦于郊廟神人胥懌於千萬年永膺多
福百官進箋曰天啓昌期握珍符而御極時嚴祀躬衣服以
稱慶喜溢臣工慶綿宗社恭惟聖敬日躋聰明時憲志之繼事
之述益恢無疆之宏規治已定功已成悉修未遑之遺典就文
武之二舞兼損益於百王雅俗克諧郊廟通用作止有變疾舒
適宜非舊惟新奄九韶之迭奏盡美又善增萬葉之永觀豈惟
羣靈之居歆抑亦列聖之胥懌臣等叨染法從欣覩縉儀更仰
穆穆之容與虞獸而率舞願介穰穰之福倍漢嶽以爭呼遂旌
教曰禮制樂作蓋百年而可興志繼事述幸一朝而獲成茲郊
廟之用薦舉神人之胥悅惟我太祖肇基鴻業方草昧之經
綸蓋未遑於禮樂逮我世廟誕撫景運象大業之耆定念大

平之當保爰制樂舞將薦郊廟竟有志而未就予以否德嗣守
丕基思聿追於先志期永觀於後嗣更定二舞用以禋祀至音
邇於神明和氣融於上下屬茲大禮之成宣布非常之恩自今
月十五日昧爽以前除謀反大逆謀叛子孫謀殺毆罵祖父母
父母妻妾謀殺夫奴婢謀殺主謀故殺人蠱毒魘魅但犯強竊
盜外已發覺未發覺已結正未結正咸宥除之敢以宥旨前事
相告言者以其罪罪之於戲丕承先志用新樂而明禋誕布寬
息罄幅員而均慶○骨看兀狄哈中樞金麻尚哈等六人來獻
土物○己巳御勤政殿設飲福宴王世子與孝寧大君補永膺
大君琰領議政申叔舟祭執事及倭野人等就班拜跪 上降
座飲福酒還陞座世子與琰叔舟以下以次進酒 命倭野人
陞階歌舞日晡乃罷○命給李得守曹彥金末生告身○庚午
御丕顯閣觀難戲世子與宗宰入侍優人因戲或陳閭閻鄙細
之事又有規諷之言上樂聞之賜布五十匹○戶曹啓諸司官
吏聞開印位則未得使印公務遲滯請自今令次官開印從之

○日本國對馬州太守宗成職遣使來獻土物○典校署正字
尹繼孫付仁城君齋疏示都承旨盧思慎思慎讀至孔釋親抱
送之句曰尊崇釋法不宜躋孔於釋上宜書釋孔以啓顯孫曰
若爾有違本文思慎曰汝不知也顯孫不獲已改書以進○辛
未 御丕顯閣名吉昌府院君權掣右議政具致寬雲城府院
君朴從愚禮曹判書朴元亨花山君權攀漢城府尹金從舜等
設酌誼城君案寶城卿容銀川君積鎮南君終生等擊棒分勝
負賜馬裝○戶曹判書曹錫文以母喪去位以兵曹參判金
國光代之錫文判戶曹七八年國家經費一以儉約為主 上
每稱真戶部也時經費頗多故居理財者咸事省減務要稱旨
義禁府啓攝六十高永文長興府京主人勿金新安驛日守
林敬祐與諸邑貢吏潛相盤結盜用諸邑貢物及奴婢貢布偽
造諸司准納帖字事覺自腹請改律文水文勿金虜斬敬祐虜
絞 從之○壬申都體察使韓明澮奉書于承政院以啓曰臣
審被虜形勢明春來款者必多請令江界判官先到滿浦布置

支後之事回。諭曰滿住子古納哈豆里及嘗持書契往來者
依前例待之。雖稱滿住麾下不可盡信更詳察之。且諸種野人
甘於小得實遺我巨弊不可輕易容接宜少給鹽糧一以固滿
住之心一以構諸種之疑。卿其觀勢斟酌為之。○癸酉日暈○
傳于承政院曰世子儀物事關名分所當詳辨予入中朝見皇
太子儀仗反不如親王蓋親王已成君而太子未成君也本朝
文宗為世子時儀物稍多然世宗欲使之攝位特命加之
耳非常例也予自即位以來屢傳世子儀物宜只用陽繳又於
前年問書筵官荅曰陽繳不已今使田昫書元日賀世子時儀物
觀之其數甚多豈非廢格而欺罔乎其鞫書筵官言只用陽繳
者以啓○上與中宮幸貞嬪宮遂幸河城尉鄭顯祖第乃潛
龍時舊邸也置酒張樂謂領議政申叔舟曰富貴不歸故鄉如
衣繡夜行○甲戌賻戶曹判書曹錫文母米豆并三十石紙一
百卷棺槨○乙亥日暈○御康寧殿謂右議政具致寬曰東國
通鑑修撰必多錯謬今令內宗承旨等分左右摘誤卿可觀之

時左叅贊崔恒吏曹判書金淡同知中樞院事梁誠之仁順府
尹韓繼禧叅判洪應行上護軍宋慶寬僉知中樞院事權枝提
學李承召及通鑑廳郎官等入侍坐 御書事目曰一承政院
備筆墨一吏曹合坐待命一燈燭房備火一賞罰隨宜 上問
曰前坐者誰耶左右對曰李孟賢也 上曰此能講者耶令講
中庸左右儒生交相問難至非天子不制禮 上問曰非天子
而能制禮者有乎對曰有聖德者則可為也又問曰然則非天
子而制禮者誰耶對曰如周公作周禮是也又問曰然則周禮
果周公之書乎左右無能對者 上曰何故嘿然諸儒皆對各
不同 命各坐東西飲酒極醉又 命恒等以次進酒從容談
論至技進酒謹畏益至 上曰技進酒一向惶懼君臣之間不
可若是 召繼澮諭之俄而 命左右摘誤者以來仍使溥顯
祖交爭勝負極辭窮辨左右難之不已命恒淡決其勝負論
議未定比昏乃罷○日本國對馬州太守宗成職遣使來獻土
物○兀良哈同良介等五人來獻土物○丙子諭忠清道觀察

使辛永孫節制使權軀曰道內諸邑軍士及當番正兵皆會境
上以待巡幸○戶曹啓京畿金浦通津國屯田所生稻稷四千
二十石露積江邊若至春水漲溢必致濕損請漕運京江從時
直買布從之○下向化裴其亘于義禁府以其亘毆馬加乙
所曰北征時汝為鄉道破我族類也○下承傳色李得守于義
禁府酒房薛里韓保于刑曹全信于司憲府以內酒房酒私相
請贈也○丁丑進賀使安慶孫姜希孟賚賞賜八表裏曰自大
明○義州女羅德曾被建州衛女真搶去逃至遼東都司奏還
之○進鷹使魯參至遼東病死都司棺斂還送○戊寅 御勤
政門受朝參入 御思政殿右議政具致寬左贊成黃守身仁
山君洪允成西原君韓繼義刑曹判書金碩判漢城府事李石
亨兵曹判書尹子雲八直諸將及承旨等入侍 御書曰軍籍
無策軍民無定予亦因仍此予不德今詳情理宜有二家奉一
家二家奉一家一家奉一家定家內丁數急速改正以實軍以
安民令諸將觀之○同副承旨尹弼商以得守供辭啓 命更

覈前犯仍曰得守 穎悟過人無與為比然予疑有不法之事今
果所犯如是予於官寺率以小事授之大事則不使與焉每令
承旨取決○已卯 御康寧殿召左贊成黃守身西原君韓繼
美戶曹判書金國光兵曹判書尹子雲及承旨等議軍籍又
召領議政申叔舟右議政具致寬刑曹判書金碩會於賓廳磨
勘軍籍有頃命皆入內參之○庚辰日暈○御思政殿受常參
視事謂衛將李允孫曰卿為樂學提調知樂乎朝會之樂多不
中節奏何耶允孫不能對 召典樂黃孝誠圖樂譜以進又令
作樂以聽之增八下四一節令習而奏之○上命於座前定式
例橫看戶曹參判安哲孫請諸處所用墨分一丁為十二片
上曰分四可也哲孫固請不已 上笑曰此真戶部矣哲孫又
啓造船事言頗稱旨 上謂金國光曰哲孫可人將繼卿為判
書者也○向化將家老請並囚鞠馬加乙所 上謂左贊成黃
守身曰裴其豆馬加乙所是非終必以法斷之今馬加乙所被
毆有傷未可囚也待病愈並鞠之○辛巳 御不顯閣召見右

叅贊崔恒行上護軍宋處寬吏曹叅判洪應藝文提學李承召
及入直都鎮撫金國光等上嘗擇武臣堪為將帥者二十餘人
編武才錄令讀兵書考其勤慢至是講延山君金處義等又
命恒等校正兵書新註○林川人田永貞家奴金伊婢夫乙珍
德生等欲害永貞上言曰永貞嘗言金宗瑞承珪生存則予何
至此且言宗瑞皇甫仁雖誅死精魂為祟亂何由寢息哉是必
永貞與宗瑞謀亂而漏罪網也 命下義禁府鞠之皆服誣按
律斬金伊乙珍杖德生一百流三千里○壬午 御忠順堂召
見領議政申叔舟右議政具致寬左贊成黃守身仁山君洪允
成兵曹判書尹子雲戶曹判書金國光承旨等觀後苑農作近
年以來 命承政院分左右各役所屬諸司競為奇巧求市息
寵多張數目嚴期督納甚於催賦諸司不勝其苦務出人意料
殊異之物恐人窺覘效隨作隨匿都承旨盧思慎出異域志
殊形詭狀咸模效焉維素所親昵者苟非同事者不令相觀至於
工伎之人互相爭奪遂成嫌隙其人心險譎如此時適有事郊

廟不時賜覽再經風雨多致折毀至是親臨觀之其勝者

賜虎鹿皮各一張負者鹿皮各一張仍命設宴以罰之○進鷹

使通事石蟾先送事目以啓曰建州野人路遇我輩曰業以報

仇今欲和解上命申叔舟草諭教體察使韓明澮書曰賊屢

寇我邊持之已久賊不得測我今於中朝啓上遇我人稍露歸

順之益是賊自悔犯國不得安業猶恥屈降欺我招撫耳今若

因其來者招之必無不至然是我示弱而彼益肆宜乘機設計

坐而困之之時也若有豆里等來者稱上旨令傳語甫下土

趙三波李權赤等曰浪甫兒罕父子罪重自就誅夷何與汝事

汝欲為寇而籍以為言耳汝焉知予不討之深淺汝以為我終不

怒耶汝其能禦大兵則善修兵馬而待之不日有事矣今汝速

還我人馬來投乞命是汝生道不爾則予不知也且童所老如

茂妻子今皆在我國中青周已授三品職近侍司僕汝甫下

土何故不還阿伊亡可亦宜送還使母子完聚也甫下土所老

若加虜死其妻及子青周居我國甫下土率青周弟阿從弟所
伊亡可居其部欲聚所老加茂妻未得而怨之常寇邊我今待

汝回報汝宜審思之母貽後悔且語豆里等曰汝即親見甫下
土等詳傳上旨聽其言速即回報如是連續傳該使彼不得耕
種終就自困又前日所諭率軍越江觀兵事姑停待命又御
書曰上項諭書只為坐而困之之術非實欲用兵也雖然若賊
勢窮出悖慢之語為承突之舉則不可不預為之備兵法所謂
毋恃其不來恃吾有以待之卿宜更整道兵為入攻之計以待
旨若京軍則冰且解而弊已重卿其選留之可也盡還之可也
賊若以為實不攻則不還服矣不還服則將生計矣須使賊以
為必攻然後還服矣還服之後難返計矣此大機勢卿所最慮
慶母泛文移秘密布置又以此諭咸吉道都節制使康純上
與諸宰從容飲話仍各賜油紙席以備隨駕○骨看兀狄哈
中樞院使金麻尚哈陞資憲大夫○癸未向化兼司僕童青周
啓曰父所老加茂葬期已逼臣固不可歸請令母歸葬上不
允仍諭咸吉道都觀察使康孝文曰音青周今請遣母葬父然
其母固不可送官備葬具委其官下於乙巨葬之○康孝文請兵

政 上不允曰兵政陣法等書不可送之邊方前送陣法亦宜
官收勿使漏散可也○戶曹啓內需所忠勲府駙馬府忠翊司
省老所獨受公廨田私自收稅未便請自今除內需所外並革
之以供國用者老所春秋宴令禮賓寺供辦 從之 元良哈
劉阿赤介等六人來獻土物○日本國九州都元帥源 教直
對馬州太守宗成職各遣人來獻土物○二月甲申朔 御丕
顯閣講成均生員鄭希韶等五人經書皆不通 上曰養育人
材當優游以成之不可期以朝夕故汝輩得冒名儒籍淹度歲
月甚無益也予欲汰年老無成者以實軍 丁汝輩亦有棄文就
武之意耶對曰仕路無門 上曰然則患無仕路就成均歟汝
有奇才何患無路今將試汝等為武士汝能為之耶一二生對
曰可能為之 上曰在廷之臣皆猛將謀臣汝等安敢言其萬
一希韶等慚伏莫能對○兵曹據咸吉道軍士等上言落慶尚
全羅忠清道土地膏沃可以准田給丁本道則土地瘠薄率皆
歲易而耕畧計田作丁則民不堪役請勿拘土田多寡依數給

丁 從之○乙酉兵曹啓凡 行幸忠義衛忠贊衛皆不隨
焉以此狃於安逸請令 巡幸令自願隨 駕 傳曰予初不
知何必自願皆令扈從○濟州獻白鹿○進鷹使通事石蟾賚
欽賜彩段二表裏回自大明○元良哈柳要時老等五人來獻
土物○日本國一歧州倭司正有羅多羅等二人來獻土物○
丙戌戶曹啓請於黃海江原平安道擇可耕陳地大君四十結
諸君宗親駙馬宰樞正一品三十結從一品二十五結正二品
二十結從二品十五結三品堂上官十結勒令折給開墾 從
之○先是 上以東國通鑑編次必多錯誤令兒宗承旨等分
左右摘誤至是 傳曰今方始事茲不深責宜更盡心為之
丁亥日暈○傳于吏曹曰尹氏族親未叙者今皆錄用尋 召
都承旨盧思慎曰予欲盡用 中官族未叙者 中官謂予曰
官爵固宜擇賢而授之尹家子弟非一豈可不擇賢否而盡用
乎且李氏沈氏族未叙者尚多而獨用尹族心實未安此言甚
善予用嘉納汝與具致寬等廣議李沈尹族可用者以聞○

以黃孝源為商山君元孝然原城君宋處寬中樞院使閔我
中樞院副使李文炯漢城府尹李蒙哥驪川君金壽寧僉知中樞
院事鄭文炯左司諫大夫洪益誠慶尚左道處置使李全之僉
知中樞院事行上護軍柳河知中樞院事行上護軍權衡辛繼
祖姜遇文兼司憲執義○戊子 御勤政門受朝參入 御思
政殿召水膺大君琰蓬原府院君鄭昌孫雲城府院君朴從愚
領議政申叔舟左贊成黃守身等議定六典時全羅道盜賊成
羣劫掠人甚苦之叔舟請遣官捕之 命以上護軍卞袍世子
輔德吳凝為敬差官聲言點軍習陣而捕之○諭咸吉道都節
制使康純曰兀狄哈自初輸誠當曲加撫綏今于豆輩率其麾
下款塞內附俱欲來京卿何只送二人乎一則還者生怨一則
儻或二人病死必生疑貳不宜獨送且聞兀狄哈以前日穩城
之事疑我不已肆令禮曹移文曉諭宜付于豆還諭部落○己
丑 命收內侍李得守告身○傳于義禁府曰公私賤犯徒流
者收贖勿許徒流○庚寅軍器監提調啟凡 行幸看陣形名

分授之時卑士變名冒受仍不納者頗多軍士非本監所管推
納為難請以形名移置衛部并錄解由令部將出納從之○
辛卯日暈○命工曹判書金守溫仁順府尹韓繼禧都承旨盧
思慎等譯金剛經○壬辰御康寧殿召領議政申叔舟右議
政具致寬左贊成黃守身仁山君洪允成兵曹判書尹子雲刑
曹判書金礦戶曹判書金國光行上護軍宋處寬及承旨諸將
等設酌引見野人柳要時老等三人○遣中樞院使趙邦霖如
大明謝賜彩段表裏裝還被虜人口表曰帝德丕冒庸篤懷綏
膺恩覃施采增感激粉身難報鏤骨敢忘伏念臣猥將微材叨
襲舊緒何圖盛代文明之瑞且現荒服僻陋之區底貢益虔詐
有毫毛之補匪頒鼎至偏承卯翼之私荷戴奚堪佩銘已極矧
矜俘虜之遺喘俾復鄉閭之故居權實深於提封事又光於編
簡茲蓋伏遇仁踰怙恃道洽生成視四海為一家聲遐裔以挾
續保萬民如赤子無匹夫之向隅遂今啟邦荐蒙殊渥臣當
夙興夜寐恪守漢藩日升月恒倍申華祝方物表曰天心至仁

荐加恩眷土宜甚菲聊表謝忱謹備黃細苧布二十四匹白細苧
布二十匹黑細麻布五十匹黃花席二十張滿花席二十張滿
花方席二十張雜彩花席二十張人參一百觔右件物等製造
既踈名般亦數第諒由中之信儻容享上之儀中宮禮物紅細
苧布一十匹白細苧布一十匹黑細麻布三十匹箋曰望重貳
極密裨宸猷息導九霄覃霑海徼感銘曷已糜粉難酬伏念臣
猥以孱資邈居荒裔熙運幸逢於千一嘉禎獲覩於再三用揚
天休第謹重譯之獻何期帝賚又分在笥之珍且還虎口之餘
生復見鯁岑之舊業矣帝微臣自慶抑亦舉國同懽寵綏若斯
前昔所罕茲蓋伏遇性稟英偉德著元良體字小之燕謀懋柔
遠而翼亮遂令駑鈍特紆龍光臣謹當歌載賡於漢輪祝恒伸
於箕範謹備進獻禮物白細苧布一十匹黑細麻布三十匹滿
花席一十張雜彩花席一十張人參五十觔○都體察使韓明
澮遣從事官許琮賫事目來啓又據滿浦節制使洪貴海呈啓
有名稱波右者自野人中來告云予本遼東人曾於八年間李

滿住管下山金波右到遼東誘我帶去賣於趙三波三波又轉
 賣於滿住苦役難堪仍偷滿住馬逃至貴鎮願為編民然稱波
 右雪上騎馬蹤跡易尋若滿住迹而求之則當語之曰馬匹元
 是汝物故還之稱波右係是上國人當啓聞區處乃送稱波右
 於江界留置供饋○癸巳召領議政申叔舟右議政具致寬仁
 山君洪允成等議韓明澮所啓事仍諭曰一唐人區處鄉策
 善矣解冰無事隨宜上送一將帥及京軍士或選留或盡還量
 宜施行一恃慢之語非所恤尤當益固不動如山可再致問不
 可輕動○傳于承政院曰予欲親審關內諸司兩漏處其令關
 西諸司屏人上與中官率兒宗巡幸諸司出承政院磁器
 尚衣院綿布段子分賜兒宗官人○同知中樞院事金師禹率
 師禹字勤父慶尚道尚州人武舉出身累官至僉知中樞院事
 出為忠清道水軍安撫處置使屢歲大勲師禹勤恤士卒煮海
 通利營有數年之儲後適還又出判會寧府事時朝廷誅邊酋
 諸種兇怨聚數千人毀長城突入師禹挺身決鬪俘斬二十餘

級命加階嘉靖特賜表裏以旌其功庚辰拜漢城府尹未還
會野人犯邊上遣領議政申叔舟率諸將討之叔舟請留師
禹與偕上許之諸軍深入賊乘夜死營或設伏邀之師禹血
戰殺後俘斬甚多以功進拜資憲知中樞院事賜奴婢轉兵
曹判書拜平安道都節制使明年以疾召還命御醫治之
恩顧甚厚遂以疾辭歸尚州卒年五十師禹膂力絕人善弓馬
讀書通大義為當時武臣最性清真公正見人貪污不善必面
斥之人或規之不恤謚莊節勝敵志強莊好廉自克節○甲午
御不顯間都承旨盧思慎啓江原道觀察使請賑民種食
上曰安得年年而給之細民智慮不遠秋稼初登盛備酒食未
至來春所蓄已竭仰給官家職此之由思慎曰所慮者頻年凶
歉賴國全活况本道今方徙民若不賑貸恐有流亡之患上
曰此誠可慮即議諸領議政申叔舟曰前朝無義倉而民自
生育我國家設倉賑之固是美意然安得計口充給但念自來
賑給今遽不爾慮必失業今姑許之明曉民間使知後日之無

給預為節用然後可無賑也如此而儻遇凶年亦不可不給也
從之○兵曹啟鎮撫部將取才者雖未中程若慣於軍律可
以領衆者請并充差 從之○乙未都統府印在舊邱河城尉
鄭顯祖奉進 命藏尚瑞司且於印鈕刻事迹以傳永久○御
書傳旨曰有錢穀諸司不可無火禁萬一失火滅之亦難自今
別築垣牆而一禁用火又空四面近處如法○傳于戶曹曰新
詳定橫看內諸宮及魂宮魂堂內官衣纏月料依文昭殿出入
番前衙內官例減半題給○丙申 賜宴于式例詳定所 命
還金良瑑閔奎告身叙用并叙姜允範金石梯尹惠尹慎德鄭
永通○承政院奉旨馳書于諸道號牌分臺御史曰自三月至
七月農務為急可速上來從韓明滄之請也○丁酉 御書傳
于兵曹曰軍士奉足不如法均給此國家甚誤事也奉行者無
一用心致有闕者艱難侍衛其速改正均一各分以責武功又
御書曰單丁不可定奉足說曰古者七家奉一家所以強其
士力也今欲効之而所不能者只為人數不足耳故定奉足不

過三丁而單丁與焉是如無焉擗之死焉過生息焉誨逃流焉
弱將士焉宜單丁則并作一丁一家免一丁後更修舊式均得
各分責以兵道執之金石行之四時明賞罰而已予未知他術
也又 御書曰一奉足人單丁則不得已單身奉足則不宜奉
足戶一人毋定他役宜如申說計丁給奉足耳一奉足定給欲
加於昔則人丁不足不加於昔則軍士不實宜選才能精強而
加給其餘更檢均給耳時 上欲更張軍籍委降 御書指示
事宜然奉行惟務多張軍數民之不能自存而寄食於人者
籍在於此而流移四方者與夫田地奴婢并計丁數充計奉足
名存而實無民皆怨之○戶曹據黃海道觀察使啓本道
年穀不登請以軍資米豆分貸貧乏用舊畜新 從之○吏曹
啓舊法醫真試才分數多者除京職次者除諸道教諭今大典
不載教諭填差之法故雖遇其闕不得填差請令禮曹試才移
本曹隨闕填差 御書曰一雖取才入格未中醫官者如承文
院權知例一中格而阻於闕填者方許他用○日本國藝州海

賊大將滕源朝臣村上備中守國重遣人來獻土物○傳旨漢
城府曰今籍沒梁淑孫典醫監洞家給藤安吉安吉舊家淑孫
大平訪家中一家及濟生院給忠翊司忠翊司則給敬惠公王
○戊戌收內侍府安忠彥告身○戶曹啓諸邑貢物民所難辦
者聽其情願轉報本曹方許代納已有著令守令一從干請濫
給牒文使代納之徒先收其價以取倍蓰之利其貢物遷延不納
請自今貢物應代納者訪問民間并其年分啓達更考便否乃
許代納其所納之價官為收歛考文量給右議政具致寬議曰代
納貢物非逐年而異若使每年訪問則弊復如前請令該司酌
定以為恒式 從之○書筵官啓世子讀尚書畢請講詩 從之
○兵曹據慶尚道觀察使關啓道內昌原府峯山梁山郡雞鳴山
烽燧之處皆卑微遼遠不相通望請峯山烽火移合山雞鳴山烽
火移渭川驛北山 從之○己亥 賜對馬州太守宗成職法華
經一部米豆各一百石○傳于禮曹曰朝祭協律除奉常寺官吏
令典樂掌之○庚子 御書諭諸道觀察使節制使處置使曰兵器

者國家大用而子所留心更張卿所深悉乃不用心致慮以為
末事未知卿所常重者所常好者所常戀者何事何故不體予
意法當抵罪特赦不問後若如此悔無可及○御書諭咸吉道
觀察使康孝文曰利城富寧慶興等官栽植甘草不用心培養
以致過半樵損事無大小官吏之奉行一也甘草雖小物可見
勤慢經赦得免豈逃賢否監司守令其罪一也後勿如此國家
法令不可數犯慎之○上將韋溫陽以蓬原府院君鄭昌孫禮
曹判書朴元亨右叅贊崔恒河原君鄭守忠吏曹判書金淡工
曹判書金守溫同知中樞院事梁誠之原城君元孝然行上護
軍宋處寬仁順府尹韓繼禧吏曹叅判洪應仁壽府尹姜希顏
刑曹叅判李暨工曹叅判姜希孟為守相青城尉沈安義領中
樞院事沈澮中樞院事尹士昕中樞院副使金溉西原君韓繼
羨花山君權攀為守將○繕工監提調啓諸司倉庫土榻請並
撤去以防火災從之○兵曹據都體察使韓明澮啓本啓咸
吉道赴防江原京畿黃海道驍勇鄉吏曹限二年免鄉役今雖

限年已過事變未息請更限三年免役赴防 從之○日本國
使者僧俊超等前年辭還到永登浦阻風留住 上聞之遣禮
賓少尹鄭忱宣慰曰聞汝等累月留住艱苦必多支待諸事想
必踈虞今遣人慰之當悉予意初超等又留萬戶柳培不即啓
達 上命忱拿培送京竟赦之○吏曹據前襄陽府使申允甫
上言啓允甫於辛巳二月初四日自襄陽奔父喪解官百官加
資在其月初六日今欲冒喪加資請勿聽理 從之○辛丑
上與中宮幸溫陽溫泉 駕至廣州門懸山觀獵以所獲禽賜
扈駕宗宰○禮曹啓司諱院學官五十每一年二人除職終年
受祿餘未均蒙請兩都目除授 從之○壬寅駕次于竹山蓮
坊○癸卯京畿觀察使權愷獻酒分 賜宰樞軍士○兵曹請
勿用便車 御書曰便車載重一不可也造不堅緻二不可也
以此二不可而兵曹欲改其法是常不得行其法令也今當推
重載者給馬車破者又察故破者又察不用心者便車小車也
三人共挽一車所載不多道路險阻動輒毀折國俗又不閑牽

挽或有負所載之物別運空車者○駕次于鎮川廣石 名宗
宰及承旨等入帳殿設酌 上謂支應使金國光曰忠清道軍
士二萬餘人盡計步兵則可至四萬餘人明當驅吉祥山 命
召左右廂大將授約束○承政院奉旨馳書于留都承旨曰今
躑躅花已開速薦于 文昭殿○支應使啓清州養老宴有病
人勿令強聚且遠處老人從自願赴宴 從之○檢戶曹然議
安自立老居忠州上謁進酒果又進聖德詩曰東方真主作靖
難救蒼生帝命仍隆顧茲徒靡有爭貞符屢呈瑞朝野更昇平
恭已無為理熙熙王業成又大駕南巡狩聖謨正萬全蒐禽薦
宗廟養老詔高年試藝人村勵省耕緜寡便閭閻賞春色爭祝
壽齊天 命賜衣○忠清道觀察使辛永孫迎駕節制使權軀
率軍士結陣軍容甚盛 上命右廂大將金碩行驅湧川山
御高丘以觀○甲辰五鼓動駕駕前炬火或滅或明乃命去火
即囚經歷高台鼎鎮川縣監南侗至吉祥山射場部將李愛石
等二人失軍又命面縛下獄兵曹標旗緩行與交龍旗太遠台

正郎閔貞及鎮撫趙崇智使脫笠步行駕至清州椒水牧使高
台弼判官郭得賀迎 駕○正朝使通事金繼朴回自大明啓
正月十七日皇帝崩越四日皇太子即位年十八 上曰皇帝
崩可停養老宴只給老人酒饌領議政申叔舟啓曰中朝與我
國自有彼此養老宴宜若可設 上曰他餘節次在軍中不可
盡行名之曰宴則固不可為也且隣國有喪不可愆然况於上
國乎即命停朝市七日京畿黃海平安道素服三日○衛將李
孟孫金山正衍等失軍進禮正衡領軍擢發經踰伊訖音山令
兵曹鞫之○傳曰高台鼎南倂雖甚不可姑赦之趙崇智亦勿
加罪標旗失次非兆於今日今此之罰所以戒後也仍命尹子
雲曰今後標旗使令勿令前導左右分行可也○陞平安道龜
城郡為都護府○禮曹啓大行皇帝喪制請依前例今二月二
十二日以素服黑角帶烏紗帽舉哀二十四日三品以上成服
每朝舉臨二十七日除服其餘各品官吏以白衣烏紗帽黑角
帶終制外方大小使臣守令文字到日即舉哀四日成服三日

而除公邊將帥不用此例 從之○乙巳 上令衛士驅免嶺
駕駐川邊設小酌 御書賜世子及申叔舟洪允成等曰子與
宗勲諸將割鮮分飴似乎麤率予具種種道理種種道理皆歸
於仁民濟物○命承政院馳書諸道令備使臣支待雜物○禮
曹啓使臣支待請依陳鑑例 御書曰何必舊例毋使弊及於
民○承政院奉旨馳書于平安道觀察使曰天使經過處凡我
朝所撰書及古文內有東人序跋收藏勿令示之○禮曹啓御
詔山棚雜戲請依乙卯年例 御書豈有定例隨宜酌量耳○
御書凡他國聲息勿問緊否啓達前漏通者以棄毀制書論○
丙午駕至清州社長四十餘人於路上設香案獻米七十斗有
一僧擊鉢于 駕前 上皆却之老人儒生娼妓等獻歌謠○
以韓明澮為上黨府院君兼判兵曹事具致寬左議政黃守身
右議政將遣守身賀登極故有是拜守身風姿魁偉豁達無滯
時以吏能稱然物論不能無議其兄致身少庶介一日到守身
第飲酒擗其左右所有以歸守身戲指其兄曰吾兄真林廉矣

後致身又至守身童孫出門迎謂曰林廉入聞者笑之時致身
有泰安屯田及兩界換奴之訟守身有牙山屯田之訟同時俱
發好事者復為之說曰林廉真姪姪致守真伯仲○賜老人酒
肉有文原者年百有四歲氣力猶壯 上嘉其老特賜脯酒及
衣一領○以禮曹判書朴元亨兵曹判書尹子雲為明使館伴
又以元亨為遠接使遣領中樞院事沈澮于開城府西原君韓
繼美于黃州中樞院使魚孝瞻于平壤仁壽府尹姜希顏于安
州吏曹參判洪應于義州宣慰○丁未日暈○王世子未寧
車駕留行宮傳于兵曹判書尹子雲曰軍士朝官等離陳宿民
家者禁之可也仍命宗親分道摘撥議政府舍人成允文投宿
民家射殿將金處義棄軍入村禮曹佐郎李壽男李吉甫帶妓
宿民家有忠贊衛李世禎者醉卧路傍 御書傳于兵曹義禁
府司憲府曰 太祖行軍奪民一爪者皆受罪况干軍令者乎
投宿他家者軍令重典今有棄軍而入村者有棄所而亡去處
者醉卧於道側者挾奴入村者止宿於村者此等皆上慢吾今

下幾有司雖欲勿罪豈予曲法推覈以啓領議政申叔舟啓曰
臣亦投宿奴家允文從臣寓宿旁舍非民家作弊比也 上特

赦允文○全羅道智異山僧義游以其師惠通言來啓曰節制

使李士平欲反 上即命草諭書令司僕寺判事朴徐昌賫往

全羅道諭觀察使成任曰有人誤見下袍捕賊施為疑而告都

節制使反者予欲腰斬送之而實則無情故猶賞告變之意卿

其知之其賜智異山僧惠通米十石又諭李士平曰有人誤見

下袍捕賊施為疑而告卿反者予欲腰斬送卿而實則無情故

赦其罪而猶賞告變之意卿其知之益勵捕賊之事勿恤人言

又馳書于下袍曰委去捕賊事何如布置致人疑惑非汝心非

實汝才短予何咎乎只恐失賊其聽今去朴徐昌之言又馳書

于惠通曰所遣僧告變實因誤見捕賊施為耳然急速告變之

意甚嘉實同於真故特賜米十石○傳曰承旨兵曹都鎮撫嘗

直者自今於槍間射內宿衛行官內陣軍士持槍者佩弓矢○
戊申行臺監察閔憶啓尼山縣監錢世積恩津縣監李云碩依

憑進供橫斂民間 命下義禁府鞫之○都體察使韓明滄遣
從事官李文煥啓先是建州衛李滿住麾下稱波右竊滿住馬
投入碧潼鎮滿住子古納哈數來請還臣見稱波右殘劣留之無
益且不從則必生邊患請還給又古納哈云吾善辭趙三波甫
下土童倉彼若歸順當率而來三波等若欲朝見則請語之曰
汝等無緣犯境擄去人畜若不刷還國家終不置汝 御書回
諭曰具悉但其中有所不可者一不可輕許上京二不可拘必
無益卿宜體此隨宜變通勿復就稟務乘時而濟難又古納哈
云善辭則是必不知國家威說以為國家乞說此甚失國家大
體示卑屈之狀耳今勿示弱而示強定為入攻盡滅之計卿之
素畜國家之素待卿盡卿心吾盡吾計務乘時而濟難任卿隨
宜○王世子疾瘳○己酉 車駕發清州夕次于懷仁縣○庚
戌車駕經報息縣東平夕次于屏風松僧信眉來謁獻餅百五
十盆分賜扈從軍士○赦金慶義李壽男李吉甫罪○禮曹啓
前例朝廷使臣來則倭野人並於所至處留置待使臣回還乃

聽入朝今 巡幸時出來倭野人請依此例 從之○辛亥
上幸俗離寺又幸福泉寺賜福泉寺米三百石奴婢三十口田
二百結俗離寺米豆并三十石申時還行宮○壬子日暈○駕
次于文義縣○癸丑 駕至全義縣禮曹判書朴元亨以使臣
遠接使來辭 上召宗宰設酌謂元亨曰支待事宜一皆從便
卿不須來也明日可還○吏曹啓仁壽府既革其官吏各以職
品移於軍資監 從之○三月甲寅朔日暈○夕 車駕至溫
陽行宮○乙卯日暈○王世子游獵于長者池○有女巫赴召
衛將韓終孫拒而不納 上召終孫問之對曰女不可入軍門
也 上出御札曰昔金滸立思政殿庭親聞召命不動固立更
著精彩曰見宣傳標信然後乃應命今終孫散陣而阻礙道路
不通行人命名者亦被阻終孫曰女人羞色故吾陣不得入焉
是終孫陣於此而法於彼論女色而棄標信廢國令而用私典
假如陣包一道則一道之民皆察標信乎一道之山川道路何
處是門乎如是妄用標信故民有言曰無標信則不得觀光之

時此妄用標信之致也故陣法云標信清營杜茲之物陣外何
與然則行幸之地民將皆扶老携幼避之不暇矣巡省觀風通
民和衆之義安在一則軍法大壞一則上下情隔一則因勲敗
綱法令不得行賞罰無所施教兵而弱兵道用人而乖賢否不
如無為銷兵放馬因編諭左右廂諸軍○傳于禮曹曰大小人
以公事詣行在者皆許赴試○丙辰承政院啓 王世子宴大
明使宜用鑰器 御書答曰世子使臣宴用鑰器前例乎若無
例則何以易定若例用銀器則銀器至當何故使臣用銀器故
也金銀雖諱於使臣而世子不可卑屈於使臣也且故事也如
實鑰器非故例則勿造如實銀器非故例則速啓○承政院奉
旨馳書于黃海平安道觀察使節制使曰迎明使軍士私甲凋
弊者分授官甲務令同色馬匹自相換騎勿示羸弱○命賜酒
樂于耆老所 丁巳試文武科以領議政申叔舟仁山君洪允
成行上護軍任元濬吏曹參議李永肩都承旨盧思慎右承旨
李坡為讀卷官 上親策曰為國在用才用非才則倒柄才非

賢則隱削無才則不得不削無賢則不得不削所以選擇預養而不得無托籍抱屈之弊盜名驅市之劣何術救之吏幸遠京而恣其私民恃義倉而實其食國不慮還而安姑息盜乘三耗而竊其強何術可救治戎在法法何得行仁暴之分際寬親之始終誅人無極法耶賢聖或罹撫頂不罰仁歟茲凶無懼聚兵散兵用兵罷兵何者難何者易得人死力何術得人死心何術天生豪傑必有以也天無私則每生如一矣業有大小何歟應世之臣有多少有有無何故生豪傑子大夫有撫世之志其各悉心以對又命王世子及臨瀛大君璆永膺大君琰兵曹判書尹子雲戶曹判書金得光文城君柳洙上護軍洪逸童試武舉命左副承旨李季專賚宣醞往賜之○戊午行宮庭有古井命開井有泉湧出源深而清賜名駐蹕神井領議政申叔舟等奉箋稱賀曰聖蹕遙臨輅駐湯盤之浴天休滋至式表后媪之祥慶溢堪興懽騰朝野竊以自昔帝王之出必現符瑞之徵稽諸歷代各有特書恭惟邁舜溫文齊湯勇智卑宮惡服盡力溝

洫之經聞義樂行決若江河之沛治化既洽瘠澤旁流當巡駕
之豫遊錫斯民之休助睠茲驪陽之暖溜實是辰韓之勝區佳
柔擁和名津鍾粹留兩宮之玉輦從百寮之周廬何圖一掬之
靈泉新迸九重之禁次清浪虛涵於乾象玄泓濬發於坤元甘
露讓其脂凝旬莫足以根潤從地湧出聞妙品於蓮經洗垢方涼
仰大心於苾錄徒披往牒獲覩當時茲遇道冠百王德叶蒼昊
迺於民無覆盆之日遂致地不受寶之珍振古所無自今伊始
臣等猥將陋質獲際昌期浹骨淪肌覩千載難遭之事治金伐
石勒萬世垂耀之章○庚申 御西閣召王世子及臨瀛大君
璆永膺大君琰寶城卿咨領議政申叔舟仁山君洪允成兵曹
判書尹子雲戶曹判書金國光都承旨盧思慎右副承旨申漸
等設酌試官申叔舟等取李陸等十二人以啓宣傳官梁震孫
不與焉 上方器使震孫恠不與選取其卷覽之曰遣辭雖不
工意則頗嘉是亦通才遂置於第文科以特旨而登第者自震
孫始○淮鷹使孫壽山先遣通事以啓曰明使大僕寺丞金湜

中書舍人張瑛以二月二十八日發程又毛憐衛野人一千餘兵謀設伏于鳳凰山等處邀正朝使之還中朝邊將聞之發軍馬三百送至湯站而還上遂諭體察使韓明澮曰皇帝既崩而猶籍跳梁是愚物而已卿其知之草長則須入討問有罪者而慰誠國者更待布置○慶尚道觀察使李誠長經歷尹子淡進紙墨于王世子 上即命逮于義禁府以尹欽為觀察使梁順石為經歷○遣僉知中樞院事金壽寧宣慰都司○辛酉 上御浴室○取武舉人韓哲同等六十人○命於行宮設鹿角城○壬戌 上命臨瀛大君璆永膺大君琰永順君溥龜城君浚領議政申叔舟雲城府院君朴從愚仁山君洪允成戶曹判書金區光都承旨盧思慎等往審堀浦開鑿便否○命行上護軍洪逸童賫宣醞就堀浦賜諸宗宰○王世子放鷹于近郊○兵曹啓凡百官加資一時特恩諸色軍士陞品去官後更生巧計托以番下者在鄉未及加資告狀者頗多請兩界赴防及在喪病親外並勿受理 從之○癸亥慶尚道觀察使尹欽辭 命

進酒於卧内 上戒之曰守令為治民監司為治守令 上
為治監司所為歸重於民今聞守令等常畏予威罰人不自保
此甚未安然重民故不得不爾守令之所以得罪者常在貪婪
又區酒妄刑失誤情理見責於我慎此二事無畏矣監司常責
守令則能任矣遂 命賜衣衾彩皮二張馬裝一部欽 王妃
姪也○遣同副承旨尹弼商于平安道宣慰明使○甲子日暈
○王世子獬于近郊○地理學崔楊善老居瑞山郡至是上書
請塞穿川峴路上 召左議政具致寬刑曹判書金礦工曹判
書金守温行上護軍任元濬又承旨等議之仍下 御書云地
理崔楊善請閉穿川峴路穿川嶺宜厚補土而布石若築城閉
路夫一氣無陰陽而分二為陰陽有陰陽故有天地日月四時
晝夜由是吉凶形焉是謂一本萬殊人之一身向背自有陰陽
語默動靜皆有吉凶况山川向背無陰陽吉凶乎是故趨吉避
凶人事之大者也不可癡守昧措自戾凶禍故有地理卜筮之說
通變經權世無災厄焉所謂至於禪說莫不至理存焉者也經

權者何天地不常經寒暑代序人道不常經文武迭用理不常
經吉凶叅取地理之說不過賞善罰惡扶弱抑強而已箇國之
出治治無定政人之治病病無定證也人依山川山川仰人因
人而存喪因山川而禍福土譬之肉水譬之血石譬之骨肉骨
之者生骨肉之者死養血之者壯然而因故變生或骨肉而生
身骨而死去血而安是則經權誰一之者故須通變經權然後
世無災厄焉若局於一家之說則補土亦是贅肉也今欲厚補
者所以續 祖宗樂絕之脉是謂報息之地布石若築城閉路
者石雖非美物而石岡亦有天成者且厚土之上碎碎之石焉
有關於續絕者哉深慮後世妄議者易以開路也斷山法不可
葬交路山家所忌豈不重歟楊善說是也以理言之猶如本根得
其培則枝葉花果繁殖先骨得其厝則子孫宗族榮昌理之必
然人之易見者也至若繁殖之中有偏枯榮昌之中有伶俜偏
枯或復榮茂窮困或復富貴者何也是亦經權之不一分受之
不齋修廢之不同故也然則理不可必一事不可常同歸重於

人事耳况復本根枯而移栽者枝葉自好父母歿而子孫生生
自若焉有泥於陰陽之說耶雖不閉路亦可也假如鑿斷穿川
峴則大母之山無草木乎不必索贖仍傳曰揚善妄人雖不
解術但予亦欲塞之久矣姑從之遂名揚善命諸宰樞辨詰
無能屈之者上曰塞路之議予已定矣因問揚善曰汝讀內
典乎對曰不知但學辟穀治心法年六十小見性七十大見性八
十而能見大千世界區區經文何益之有且言今之僧徒坐于
繩床號曰叅禪而實則無一能行其道者矣守溫問見性成佛
之說揚善莫能對上大笑賜衣而遣之揚善性迺恠險惡自
是所見不知文字而非程朱妄窺佛法而道見性誤解術業而
曰精陰陽地理天下之妄人也○傳于承政院曰曾命大駕儀
仗仍修勿改今聽宋文琳之言而改作甚為不當文琳妄想自
擅事多錯誤守相承旨何不省察一聽於文琳乎已施之事更
察之未施之事勿聽之○承政院奉旨馳書于京畿黃海平安
道觀察使曰明使到境上所在守令謁見奔走以盡敬謹之禮

○乙丑全羅道敬差官卞袍以書啓臣與吳凝分捕強竊盜一
百五十七人○留都守相遣議政府舍人朴槿奉箋賀神井曰
乾龍御極克享天心坤母呈祥式昭神貺頌流區宇喜浹臣鄰
竊觀休應之至必俟真主之作滋泉現唐堯之世醴泉出夏禹
之時苟微盛化之潛通曷致竒禎之滋至恭惟中正濬哲勇智
廣淵經綸大屯幹旋玄化一舉挽雲漢洗三韓而廓清萬幾決
江河達四方之壅塞煥施無私之渥澤夫回未濟之狂瀾理道浸
隆威靈濯振河自是而允翁海彌久而不揚寅恭猶戒其滿盈
夕惕每憂於臨履克敦沕穆之化益尚清淨之風軫兆庶之底
寧不啻拯溺慮一夫之失所常若納溝爰講歲巡之幾聿遵時
邁之典黃屋韋南服同舜律而省觀翠華駐显泉御湯盤而調
燮聳萬物之欣翫叶三靈而感孚甯泝泉湧殿前涵日華而浩
浩清冷水溢仗下寫天容而涓涓滌穢何遜於甘泉挹潔可資於
玄酒久秘羨列之異派若有護然忽聞澄瑩之靈源豈無使者
茲蓋域有四大地既得一以常寧天生五材水能潤下而善利

于以驗泰和之灑液亦以占協氣之薰蒸天惟用休欲彰無前
之偉績地豈愛寶亟獻非常之珍符况當浴日之辰尤信曠代
之瑞雖溥溥淵泉時出之德固已無加然疏瀹澡雪自新之功
宜加不已矣止增光於汗簡實乃慶洽於堪輿伏念臣等俱以
庸資端逢熙運濫荷留守之寄獲聞嘉禎之傳想法從之山呼
雖阻波奔之列望行宮而雲遠倍切海籌之添○丙寅日暈○
左右廂軍士病者多命承政院點檢醫藥○臨瀛大君瑆領
議政申叔舟等自堀浦復命 上御西閣問開鑿利害瑆等對
曰水道不直泥淖沮洳隨鑿隨填不可開鑿 從之○行上護
軍洪逸童率于洪州逸童性放曠不拘小節平生不惡穢物不
恥惡衣善飲酒多至數斗又好為詩累中科第 上之遣宣慰
也亦以善飲而逸童承 命喜形于色至洪州遇諸宗宰還
行宣慰禮痛飲極醉遂至於死 上初聞之即遣任元濬等往
救之舉體皆青已無及矣○義禁府鞠李誠長尹子潔之罪以
啓御書曰世子學習所用之物豈汝私備之物豈但學習所

用弓矢鞍馬鷹犬等校汝亦盡備私進乎且紙墨等物國有定數何故數外備進乎取之於何地不出於天則地不出於官則民剝民膏血弄世子以玩好之物以沮學問何以汝亦獨有誠於世子則諸臣皆不忠乎諸臣皆忠則汝獨不忠耳人臣無將汝無將心乎○遣戶曹參判慎後甲同知中樞院事崔漢卿如大明陳慰進香表曰伏聞大行皇帝崩逝欽惟皇帝陛下哀痛切至竊以昊天降割仙馭上賓中壽猶天大期乃迫計傳一夕痛均九圍伏惟皇帝陛下孝誠罔涯哀悼不已冀念宗社之重且顧臣庶之憂少抑聖情勉循中制祭文曰伏以盛德難名重華允協光紹正統克恢先業文治武定邇寧遠襲天眷再造父臨六合神化彌隆洪恩溥洽念惟遐邇在荒服顧乏毫補偏承卯翼恒祈宸筭願添海屋八音遠遏二紀何但橋山茫茫鼎湖漠漠况也彌擘聊奠菲儀庶諒哀赤進香禮物白細苧布一百匹黑細麻布二百匹○刑曹啓烏山君伴人宋社交結無賴之徒廣誘公私賤屬內需所爲作宣頭案錄名摠二千二十人

賂內需所別坐趙異生周備扈從實書題盧孝溫尹得鳩等綿
布四百四十六匹麻布三十一匹事覺社等皆已服請收異生
備從實等告身并鞫從之○丁卯觀獵于道高山召領議政
申叔舟設酌遂還行宮○賻洪逸童棺槨油老等物○戊辰雨
雹○工曹判書金守溫上書曰臣近蒙恩旨歸省故園得上父
毋丘壠即以賜奠編祭祖考息及九泉光動一方夫何素望敢
以及此頓首頓首臣於去年五月服闋自先母李水訣于今四
年日月幾何墳草已荒遺迹完然形影莫覩臣循撫痛哭宛轉
于地鄉人扶起良久乃立臣竊惟念先母李將終臣呼曰願母
安心乘化和尚既出家得道子亦非常俗人儻不諱子當長往
山林成就道業必見母所生之處必救母所受之苦願母安心
乘化女嗚嗚執臣手曰吾雖出家未斷汝等煩惱不能專精向
佛今已報盡非惟目不能見耳亦不聞汝言矣以何貴緣既生
和尚又生汝驟蒙 上德官至宰相今雖將死尚未忘情於汝
等母子恩深無劫可盡脫吾入地儻如汝言吾亦何憾母言如

在曷敢忘懷而賦性稟懶無自勇決尚未能上一章乞退叨
冒聖上之寵虛拋歲月之久是臣事先母為忘孝之子事 殿
下為慕祿之臣子職既曠臣儀亦虧且臣年五十六矣去年冬
寒家無溫房布被轉輾呼吸冷氣精神斗覺於衰朽鬚髮尤增
於皓白所謂豈惟歲遷兼復月化以臣所料濃加老憊如此決
非蒲質能久於世若又淹引數年縱 殿下憐而放臣筋力既
違志慮益竭更復修何道成何業以復老母臨死之言哉伏惟
 殿下興自首卹為子之孝為臣之忠聖德所隆天下所知伏
望憐臣孝母之至情許臣求道之至意特免臣職遣使優閑限
以三年如道不成付諸有司以治誣妄之罪以彰非孝之罰當
今文武之臣如雲以之興化致治以之征伐四夷天心所向無
不如意一介老儒無適於用有臣無臣決無所關比如乘鴈集
而滄海不為之盈一毛去而九牛不為之空堂堂聖朝豈乏人
材而獨惜臣哉伏望 聖慈上不允親書其尾曰道在方便濟
世豈藉削髮乃修後守溫令家人備酒果茗饒客然到城東魯

濟院脫帽帶者便服盡還騶從使不得尋蹤到檜巖寺未幾還
人譏執心不固守溫性疎闊不拘檢文章浩妙時無比倫名於
上國儒林推重家世學佛兄即信眉封慧覺尊者母亦祝髮為
尼遵母遺意有是書居家寒素雖為大臣蕭然有衲子之風國
有大佛事守溫作疏語鋪張演溢嘗謂道可證而佛可効為人
所笑○御行宮大門放文武科榜○上幸茶峴賜宰樞酒遂至
長者池而還○李誠長子禮曹佐郎壽男上書言父無罪且曰
黃孝源為忠清道觀察使時亦獻紙筆于王世子 御書曰孝
源事在立法之前何可比哉義禁府又啓誠長等不承又 御
書云豈有無情之事拷訊之○承政院奉旨馳書于全羅道觀
察使曰下袍吳凝等所捕盜賊甚多若一一置法則慮有玉石
俱焚之患宜詳悉推究○己巳 觀獵于廣德山令文武科扈
從至射場 賜宰樞酒將還使文武科先導○庚午 召文武
科傳曰汝等雖三日遊街然此非京都如衣繡夜行故昨日令
於駕前先導汝等其知之仍賜酒○初稷山民裴益生妻得棄

兒於家北養之自嫌家有處女而收育棄兒恐被惡名遂告官
請索隣家驗之隣有曹彛者有二女曰銀蒜曰實金益生妻直
至其家實金獨在問其兄何在答以織布隱而不出心頗疑之
至是兩家俱詣 駕前上言命義禁府捕鞫銀蒜等并鞫縣監
垂壽老不能辨訟之罪○放尼山縣監錢世積恩津縣監李云
碩贖笞五十○遣右議政黃守身奉表如大明賀登極其表曰
天佑鴻圖令緒克紹時承龍御景命維新慶絲宗祊喜溢寰宇
欽惟陛下聰明睿智剛健粹精夙孚夏啓之謳歌三靈協順誕
承唐堯之曆數八表同歡運方撫於重熙福彌崇於封建伏念臣
猥將庸品端遇昌期迹滯鯁岑班雖阻於就日情馳鳳闕誠倍
殫於拱辰方物表曰一人御極克享天心四海均歡畢獻方物
謹備黃細苧布二十四匹白細苧布五十匹黑細麻布一百匹黃
花席二十張滿花席二十張滿花方席二十張雜彩花席二十
張人參一百觔豹皮二十張雜色馬三十四匹右件物等產從僻
壤製非良工豈充內帑之珍聊表中情之信皇太后禮物紅細

苧布二十匹白細苧布二十匹黑細麻布二十匹黃花席一十
張滿花席一十張雜彩花席一十張○辛未李壽男再上書訟
父無情 上命洪允成鄭軾曰李誠長之事關於大綱予見於
未萌欲固宗社三綱之本又引古文多所教證既而命保放定
醫救治○車駕發溫井夕次于稷山縣弘慶院前平○壬申日
暈○罷內侍李存命職以不能築神井也○傳于司憲府曰今
兵曹抄定軍士曾不啓稟一聽承政院帖字且凡帖字啓聞後
用之之法已立政院擅便施行俱為不當其鞫之○夕次于獨
山院前平○癸酉先使左右廂圍清溪山夜五鼓動 駕臨瀛
大君璆永膺大君琰龜城君浚寶城卿容領議政申叔舟仁山
君洪允成等侍衛平明 中宮繼發至晝停所因雨罷圍夕次
于穿川○甲戌駕還京都者老判中樞院事金末等獻歌謠曰
伏觀 主上承天體道烈文英武殿下挺五百濟世之資撫千
一亨屯之運光闡百度克臻四方之無虞深居九重尚慮一夫
之不獲軫紫宸之宵旰颺翠蓋以時巡爰省耕於湖南遂駐蹕

於湯井膏以雨沐以露雖野夫感子惠之深就如日望如雲奈
都人切后来之僕鑿輿乃動龍旂載旋佳氣橫霄山川亘百里
以動色懽聲匝地士女傾九市以軒眉臣等扶携康衢偃息堯
代久叨鳩杖之賜深荷恩憐屬聞鳳蹕之回曷勝欣忭頌曰皇
皇我后德與天同乘乾握符撫我大東禮制樂作道洽化隆堯舜
猶病宴安為毒以殷仲春載巡南服暖景凝融祥風扇燠羲
和並馭乾坤重闢協時同律羣牧效職遂幸靈泉節宣載安神
溜湧瑞地寶不慳惟方之省豈為遊盤鑿輿所至巷溢街填垂
黃戴白踴躍後前咸曰我后其仁如天一遊一豫慰我民望惟
昔世廟再幸吾方思淪我肌沒世敢忘豈意今日復覩龍顏
前後一揆予我思艱我思聖恩將何報塞但勦萬壽保有東國
南民之喜都人之咨瞻望六龍曷日歸來月擘再鸞法駕言旋
懽騰闐闐光動山川食土之毛云胡不樂矧伊臣輩偃僕殘骨
偏荷甄陶優游壽域今遭盛事更拭目咫尺五雲仰瞻日轂
聊獻長謠効華封祝桑海屢變聖歷悠久千千萬萬春作民父母

獻中宮歌謠曰魚軒隨龍御以巡湖南成仰坤元之造鶴髮
携鳩杖而列道左敬迓月輪之回頌曰鳳輦時巡翟第從兩宮
權與萬民同旌旗日煖川原巖草木春深雨露濃瑞霤靈泉昭
景貺塵清馳道拂祥風那期韶鶴得瞻仰萬歲三呼更効蒿成
均生真房安石等獻歌謠曰主上承天體道烈文英武殿下
龍飛御極勵精圖理朝廷清明海宇寧謐民物熙皞寰宇無蓋
尚慮千里之遠式阻四目之明爰稽嶽狩之典聿講時邁之儀
仲春載屆乃幸南宮雲彩仗兩曜齊光養老策士盛禮備舉
湛恩汪濊小大悅懌里野欣瞻雖願天日之留光都人延佇柰
苦雲霓之久望載回法駕聿至神京歡聲溢於巨憐喜氣騰於
坊闕臣等躬沐周化迹寄虞庠歌頌盛美乃吾職耳安敢以所
拙辭獻頌詞曰於皇我王德大如天化隆治洽四方晏然不謂
已足夙夜祗懼無邇無遠一我恩煦尚慮未足迺眷南顧龍旗
啓行萬彙同春布德展義省方觀民駐蹕溫泉凜雪日新庭湧
紳溜殊禎應期大開天闈羅英騁奇存問高年惠鮮孤獨慶與所

至汪恩普渥吾王此舉匪安匪遊省民春耕以助以休攸祖相
慶士女奔波爭瞻翠華式兮式歌父母孔邇其樂如何僅浹數
旬法駕言旋都人懽愉巷溢街填臣輩狂斐於樂在泮敬迓道
左歌頌是獻獻中宮歌謠曰伏覩 主上承天體道烈文英
武殿下誕膺寶籙 中宮慈聖王妃殿下克贊神獻日月齊明
蔚啓亨嘉之運乾坤合德永底生成之功尚慮一夫之向隅乃
指南方而巡嶽觀風考職布德施恩歡聲洽於萬夫喜氣橫於
千里岳儀既舉輿頌交騰溫川輅駐法駕言旋士女目屬車之
塵大小協早霓之望山呼失喜巷溢波奔臣等俱以狂簡叨費
大烹既忝游息於賢關敢後歌頌於盛美頌曰於赫我王寵飛
御天思齊我后坤后配乾凡厥庶民若保赤子德施普洽不謂
已理迺眷南顧觀民省方翟第以從風化彌彰存問高年惠鮮
孤獨駐蹕湯泉茂迓遐福南人懽愉爭伸華祝我王我后實我
父母父母孔邇恩深雨露鑾輿攸至謳歌載路且念都人望切
後來纔浹旬月瑤駕迺迴風逆綵雲仙仗我巍都人踴躍巷溢

街填歡聲動地喜氣浮天臣輩狂簡於樂在泮敬迓道周歌謠
是獻倡妓等獻歌謠曰伏觀六龍飛黃道賜翠華於風前雙鳳
儔紫霄獻瑤絨於日下笙歌競沸羅綺紛披恭惟 主上承天
體道烈文英武殿下齊堯文明邁湯勇智四域日靖九序時歌
舞堯階之羽千走禹會之玉帛覆盆誰患其遺照闕門猶軫其
達聰搜懿躅於百王舉闕典於千載歲狩虞嶽時邁周邦佳辰
方屆於仲春法駕遂幸乎南服二曜並照洞田里之休戚萬井
歡騰均耆艾之闔擇仁風溥暢惠露旁溥情孰微而不通澤何
愆而不究蹕乍駐于湯井祥輒應於神泉天既祐純地寧愛寶
南民省耕之意雖已慰焉都人後來之望亦可恤也兩師俄洒
於廣陌風伯乍清乎游塵式造其歸耀仙仗於郊甸云胡不喜
霽和氣於堪輿華嶽增崇神都更麗妾等迹離蓬島叨籍梨園
就如日望如雲欣迎鑾輅之迤邐高配天厚配地願享龜圖之
靈長敢綴歌詞聊伸頌羨詞曰玉輦南巡二月天薰風行殿霽
祥烟龍旗影動回殿輅鳳管聲遲協舜絃桃結千年仙露浥山

呼萬歲綠雲連梨園偏荷韶光被鰲忭猶祈鶴筭延獻 中宮
歌謠曰伏覩三春告吉隨乾御而時巡萬民舉欣仰坤元之厚載
屬翠華之言旋列仙班而敬迓恭惟 中宮慈聖王妃殿下性稟
淵冲躬行慈儉功實高於扶日德允著於倪天密贊英猷闡二
南之風化遂偕法駕省一方之春耕懿化遠流歡聲競沸縱南
民欣覩於兩曜迺都人苦僎者數旬霓旌纒駐於温溜鑿輿乃
旋于神都山川為之動色日月為之增光妾等迹忝梨園誠懸
桂掖喜父母之孔邇或喟或歌効嵩華而齊呼載舞載蹈敢綴
蕪語聊陳頌美日永風光麗時和景象閑瑤池浴罷六飛還佳
氣霽郊關輦路騰歌管都門眩綺紈駉鸞遙下五雲間願獻壽
南山 上還宮留都百官行賀禮頌赦教曰巡狩者帝王之盛
事祥瑞者至德之馨香予以否德溢膺靈圖字民之政未施年
豐之慶屢得自惟不孚祗益恭寅到福泉前日放光俗離御行
宮之時舍利分身神泉湧出實是醴泉普天同慶遐邇俱稱宜
廣天休與民更始自今月二十一日昧爽以前除謀反大逆謀

叛子孫謀殺祖父母父母妻妾謀殺夫奴婢謀殺主謀故殺人
蠱毒魘魅但犯軍令強盜外已發覺未發覺已結正未結正咸
宥除之敢以宥旨前事相告言者以其罪罪之故茲教示想宜知
悉○乙亥承政院奉旨馳書諸道觀察使曰宋社等竊鑄印信
以公私奴婢二千餘口冒錄宣頭案事覺而囚罪同強盜故經
赦不原道內如有此等囚及罪名雖異而事情重者罪雖可宥
而終徵物者並勿放遣分棟以啓○丁丑 傳于吏曹曰巡幸時上
言駕前者皆受而不禁所以通民情也一切委諸監司誠為未使
可於京中聽理者須急辦之仍 傳曰民之所以訴於駕前者蓋
不得伸志於其道欲其得正於我也若又移之監司則羸糧道
路其苦轉甚非所以解悶也時駕前上言幾至數千有司憚於
裁決並欲行移故有是命○咸古道都節制使康純馳啓本道
書籍鮮少各鎮軍士每於機要請頒兵要兵書陣書兵將該百
將傳通鑑俾常習之知兵家之略 上令承政院議頒給之數
○戊寅日暈○御勤政門受朝參入 御思政殿謂宗親宰相

諸將承旨等曰子既遠巡而還卿等以次進酒仍與從容談論以仁山君洪允成善判禮曹事○己卯 御康寧殿議政府六曹進豐呈○傳于禮曹兵曹曰迎詔儀聽申叔舟具致寬指揮預習○初下柁吳凝分道巡諸邑聲言同日習陣面諭守令約同日捕賊繫獄者多至是以戶曹參議金瑋為察理使往鞫之○庚辰命承順君溥 傳于領議政申叔舟左叅贊崔恒都承旨盧思慎曰古人云生於深宮之中長於婦人之手教養世子不可如此也世子年既長予所以教之者亦已盡矣第在宮中其所與皆婦寺之徒而起居之甚罕行步之不習何以固其肌膚之會筋骸之束周公有言先知稼穡之艱難孔子曰愛之能勿勞乎忠焉能勿誨乎予於大君廳北構一室使世子出居於此常與士人居以知外事卿等以為何如叔舟等對曰上教允當○承政院奉旨馳書于平安觀察使金謙光都節制使楊汀曰移置稱波右于內地厚饋存撫若古納哈更來又語之曰稱波右今已到王京未知朝廷處置如何○辛巳 御思政殿受

常參視事名宗宰入侍設酌大司憲徐居正啓本府公事
上嘉納之傳曰邇來憲府殊無風彩卿之所陳允合時務因使
進酒謂司諫慎承善曰是人開明可講一書仍講記文王世子
篇之首章時王世子適至侍坐于御榻 上使聽之承慎不能
對名藝文檢閱李瓊全代講○壬午日暈○賜議政府宴○吏
曹據宗簿寺牒呈啓益安大君芳毅曾孫花林君伯規嫡子金
山及妻子金孫年滿十五例當授職然宗親授職至大君曾孫
而止今金山等已為玄孫於當代總親耳處之何如 上曰依
他有服親例

世祖惠莊大王實錄卷第三十二

(B)
732.55
4724
[v.7]
no.11
0163748

昭和五年十月五日印刷
昭和五年十月十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)
732.55
4724
[v.7]
no.11